





宋元詩會卷之七十六

倪桐陳 焯默公輯選

後學程 仕松泉恭較

楊載

字仲宏建之浦城人後寓杭因占籍焉載少孤博涉羣書為文有跌宕氣年四十一不仕戶部賈國英數薦於朝以布衣召入翰林授國史院編修調管領海船萬戶府照磨延祐初仁宗設科取士載首應詔遂登進士第授饒州路同知浮梁州事遷寧國路總管府推官以卒載所撰述人傳誦之其於詩尤有法嘗語學者曰詩當取材漢魏而音節則以唐為宗故同時作者得其指授為多焉

偶題

叢生園中草蔚蔚媚幽姿乘時各敷榮皓色被綠枝似有微香發秋風輒吹之入人襟袖中亦復可憐茲詰朝步荒畦莖葉稍離披飄零即已矣霜露不爾私榮悴既有時小大何異而幸愛七尺軀天道不可誣

題文丞相書梅堂

大厦就傾覆難以一木支惟公抱忠義挺然出天姿死既得所
處自顧乃不疑惻愴大江南名與日月垂我行見遺墨再拜墮
涕洟名堂有深意亦惟歲寒枝可知平昔心慷慨非一時峨峨
著檐宇昭昭示民彝勿使風雨敗永慰千古思

次韻袁伯長

盤盤海底石並樹青琅玕至陽生至陰龍宮常苦寒揚光炫朝
彩吐氣蒸微瀾根株歷十載莫測榮悴端端如巢居子草木皮
衣冠超然去人羣取友蹄與翰日誦黃帝言浩歌渡闌干奈何
天下治必以雲為官佩紉黃金環咀丹白玉盤自聞至人德積
熱生肺肝黃塵日暮起對面不相看三山在何處使我師王韓
聊歌紫芝曲倚君清夜彈

靈龜篇為陳渭叟作馬尊師所画芝龜也

蒼龜生中山溪阻絕中道不飲亦不食靈和中自抱歲久凝神
液巖上產芝草支千集五采相射顏色好彼遊江海上作計苦
不早一罹豫且網性命莫能保歸遺宋元君天意資探討築宮
修祠祭相承以為寶神者固如斯遺骨易枯槁吾聞蒙莊氏苦
語欲相曉持為衛生經千載長不老

次韻景遠學士立春日三首

古來有道士聲利不真懷顧於草木微而愛松若梅茲辰閱庭
戶適逢數花開芳意未渠央是足銜吾杯

人事重名實趨嚮盡百端丈夫負雄氣動欲追古賢於意少不
愜自放江海邊登高望八極雲氣生我前萬事何足問所須唯
酒錢

崎嶇既山曲迢遞亦水濱幸見蓬葦士輒忘為勤得之省賤間
我遇固以神所善但樓護豈暇從若人

贈執中允上人

南方多白雲澶漫塞崖谷中有龐良叟寂寞臥林屋前門樹高
松後戶植幽竹梵文五十卷誦說盡精熟時時發清唱鏗鏘擊
金玉伊余走海內一見輒歎服願言從之遊淡泊心自足

古牆行

建炎白馬南渡時循王以身任安危疏圍治第壯輿衛縮板載
榦由偏裨下鋪江城但沙鹵往夷赤山取焦土帳前親兵力如
虎一日連雲興百堵引錐試之鐵石堅長城在此勢屹然上功
幕府分金錢謹聲如雷動地傳爾來瞬息踰百年高崖為谷驚
推遷華堂寂寞散交礎喬木慘淡如烟我入荒園訪遺古所見

唯存丈尋許廢壞終嗟麋鹿遊飄零不記商年舞王孫欲言淚
如雨為言王孫母自苦子孫再世隳門戶英公尚及觀房杜如
君百不一二數人生富貴當自取况有長才文甚武公侯之後
必復初好把家聲繼其祖

李伯時画浴馬圖

古稱難画莫如馬近朝唯數李伯時不至天閑觀帝服如此骨
相何由知頭類渴烏尖挿耳竟度流沙輕萬里圉人牽浴恒凜
然復恐化龍奔入水貧居里巷無馬騎徒步出入多傷悲大脰
薄蹄何足願退立道旁塵满面

題華岳江城圖

華岳能詩世有名學画丹青亦豪放此圖以寫安慶城雉堞樓
臺儼相向北風將至江面黑千艘萬艘爭避匿滄溟涌溢水倒

流南嶽動搖天柱側蛟龍戲落秋潭水素練平鋪八十里時清
好作釣魚翁閒弄輕舟烟霧裏

神馬歌次韻陳元之

神馬來自崑崙西有足未始行沙泥朝趨欲出飛鳥上夕逝直
與奔星齊綠鬃半散插雙耳赤汗交流攢四蹄風神秀猛陔天
地豈顧燕蔡并渠黎時時牽浴臨清溪對人誇殺黃鬚奚五沙
之木中初秣不啣堤頭枯草梯與君側耳聽長嘶凡馬不聞生
駃騠

古劍歌為吳真人作

閒閒真人藏古劍敬之如神不敢忽賓客如來求一觀輒有悲
風起倉卒人言此是金鐵精良工鍛煉久始成動搖天地合變
化摩蕩日月含光精昔年有蛟起江中口吐烈焰燒長空下民
昏溺上帝怒雷電往擊皆無功嘗持此劍斬蛟首流血滔滔浸
廬阜傳記傳聞時既久不意世間今尚有吾過下里多惡氛魍
魎魑魅能食人請君為我此怪一洗宇宙長清新

次韻虞彥高遊陽明洞

憶昔神禹奠九州茲山會計功始休諸侯玉帛渺何許但見萬
水從東流衣冠永閉陽明洞夜聞鬼哭巖之幽珠宮貝闕號龍
瑞天造地設非人謀槎牙怪樹凍不死化作千丈蒼五虬丹洞
吁然僊掌裂翠峰巧矣蛾眉修梅梁飛去鐵鎖斷往往雷雨生
靈湫軒轅緹神極秘幻海上笙鶴時相投平生閉門讀史記子
乃探穴先吾遊明當挾子騎汗漫題詩更在最上頭不妨山水
樂吾樂豈有饑溺憂民憂故家喬木尚可求有子有孫百世留
臥橫玉簫汎歸舟吹散萬斛江南愁

梅梁歌酬鄭集之

大禹之功及天地廟有梅梁何足異奈何過用鐵索纏太祝為之欲微利每言變化失其所去作老龍治風雨一聲霹靂震巖扉千尺蜿蜒辭殿戶七月槁苗沾塊土憂殺村中老農夫買羊沽酒祭梅梁祭罷祠官傳好語吁嗟老農無爾愚大禹有神烏可誣汝曹淫祀欲求福此物為妖當伏誅

題秋雨長吟圖

雨暗秋天黑如墨窮居茅屋出不得終日長吟復短吟吟罷令人轉淒惻饑猿抱樹屈雙肘病鶴抱泥坐兩翼何當策杖過溪頭要看南山新翠色

題信州先天觀圖

高材褰翠氣虛谷散虹光道士多騎虎僊人自牧羊澗泉通地

遠山嶺際天長戴子文為記流傳示不忘

寄劉師魯

想君遊宦處正直洞庭湖落日波濤壯晴天島嶼孤舟航通漢
沔風物覽衡巫天下文章弊非君孰起予

蠹簡

往古韋編在何年始汗青蠹蟲深卜宅蚪蚪少成形泯滅沾秦火撥羅出漢廷斯文天未喪不敢望全經

斷碑

摩挲不成讀上有薛苔斑字畫鍾王輩文章漢魏間龜趺周鼎
屬螭首落孱顏渤海神明遠今同磴石頑

初陽臺望月

彩雲相幕華塵露笑婵娟在水渾疑墮當空孰使縣潛虬精魄

動宿鶴羽毛鮮寂寂丹臺夜相從訝得僊

送屠存博

君往金陵郡於予亦有聞海環平野盡山出大江分未召元司馬誰憐鄭廣文自今師道立章薦必紛紛

渡江寄俞仲連

舟濟大江濱中流日欲曛鹵翻沙際雪潮落渡頭雲鯨躍常知候鴻飛不亂羣頗思論勝概把酒莫如君

奉題伯父雙峯樵隱二首

山出雙峰秀溪流一派清土風存禮讓人事省將迎路逐高低過田隨早晚耕家林有如此南望每關情石樹盤根瘦沙溪激浪清竹閒看犢臥木末見人行穡事常分力樵歌輒和聲往來攜杖處不礙白雲生

贈胡汲仲

先生惟遠道久矣已樂山林致聘無雙璧為家過十金身閒雲出岫髮短雪盈簪遯世原吾志同盟欲自今

題拱北樓

殷地鼓鞞迎日出倚天梁棟與雲浮北瞻帝闕三十里南控臣藩二百州江海無波沈罔象旌旗垂野聽貔貅鸞回麗栢多溪意繡袞于今有魏牟

題本齋王公画像

詩禮傳家公望隆一門三世拜三公五營帶甲軍容盛九府流泉國賦充房魏素懷尊主術龔黃先奏養民功欲將惠澤量淺楚浸洋洋與海通

錢塘懷古四首

宋元詩會 卷之二十六 存素堂

山回禁籞無人入雲長無復陳兵衛兩廂千古金鍾埋野草萬
年珠樹落秋霜龍文不徙陽人聚鳥篆終降軹道旁九市塵埃
來袞袞一江波浪正茫茫

西湖清濁自天開鴻雁鳧鷖日往來黃道星辰環太乙紫雲宮
殿擁蓬萊論文競奏王褒頌獻壽濶傾阿母杯九域輿圖今混
一百年者舊獨興衰

斜界鈎陳通大道中分魏闕對層巒雲生殿上金爐暗露下庭
前五井寒江漢飛龍俄杳杳滄溟泛鷁竟漫漫中天會合寧非
數坐見蒼生枕簟安

化人宮闕被層阿殿宇高低若湧波翠石文章題日月寶珠光
燄燭山河空桑說法黃龍聽貝葉翻經白馬馱誰謂一無超衆
有只今塵土重來過

送袁伯長扈駕

罕畢前驅盛國容黃麾僊仗衛重重星流曠野飛蒼鶻日麗層
霄馭赤龍耀武邊陲須北狩合祛天地待東風封論才孰可銘
休烈扈蹕還宜祀岱宗

送羅雲叔歸山

黃石山原風物幽賤子往年曾一遊舊行槩柘已成徑新藝麻
禾應滿疇馮衍能忘白首歎謝安須為蒼生憂餘杭溪上明日
發愁殺楊花吹客舟

壽饒國公

可樂無如父母全既賢既貴又長年金壺賜出青雲上玉佩朝
辭白日邊楚木論春猶五百蟠桃稱壽必三千侶聞黃綺歸來
後長向山中作隱僊

贈同院諸公

詔編國史有程期正是諸郎儼直時
虎士守門宮杳杳雞人傳箭漏漏
遲遲窗間夜雨銷銀燭城上春雲
壓彩旗才大名稱天下選書成當
繼古人為

送吳真人

具嚴威命領祠官歷祀名山不厭
難上帝乘龍遊下土真人騎鶴降
靈壇已刊白玉為封檢更鑄黃金
作祭冠國壽延洪千萬歲願祈穀
熟小民安

寄吏部尚書張公

復喜清朝用大賢玉音俄對廣庭
宣姚崇已託君臣契李泌終持將
相權此日經綸須展布他時簡策
要流傳淵明有待公田米可念江
湖久棄捐

歐陽玄

字原功其先家廬陵與宋文忠公同
所自出曾祖新始遷居劉故玄為劉
陽人幼岐嶷母李氏親授孝經論語
小學諸書甫八歲能成誦十歲從張
貫之學即知屬文稍長試序輒占高
等延祐二年登進士第授岳州路平
江路平江路同知調太平路燕湖縣
尹改武岡縣尹皆著能聲召為國子
博士遷監丞拜翰林待制兼國史院
編修官凡制詔書檄皆出其手及奎
章閣啟又置藝文院親監隸為文宗
親署玄為藝文少監改僉太常禮儀
院事歷翰林直學士國子祭酒翰林
學士總裁遼金宋三史書成起授承
旨進階光祿大夫以病卒於官年八
十五追封楚國公謚曰文有圭齋集
若干卷

送振先宗丈歸祖庭

歐公孫子多孽派以為四暮年歸
賴陰非無首丘志乞洪不得請由是
懈歸計攷公生平言亦頗憾先世先
世多才賢生遠逢五季幅員政分裂
盡瘁于所事竟之垂世名蓋亦限地
勢况復公少孤擲蜀漢裔身當混一
秋代逢承平際擇里審所安實邇

輦轂地子孫託畿內官亦託云易人情苟免爾公豈溺聲利詎知
返虞移南北尋睽異一枝先南邁司造有深意沙溪標德里龍
岡重塋祭至今青原冢十世祀不替振先吾宗英守正恥駢敵
閭閻保家法處約不少懟嘉樹無粵枝嘉穀無穗滯原本既不
凡時需諒無棄矧今掄俊髦往往論根器老夫辭冊府多病久
憔悴徒懷薦士心言莫足軒輕賦詩當推轂自愧辭已費懂懂
青雲友誰知古人誼

為所性姪題小景

林廬淡疎煙歸帆泊沙渚披圖得空濶總是經行處寒屋茆簷
古疎煙野樹春遙遙濟川者應是此中人

和李溉之舞姬脫鞋吟

宮袍繡蹙金花綺紅綃緊襯雙鸞尾盈盈漫服舞腰輕綵雲飛
處香風起藕絲掣斷春雲鬆瑞蓮雙結並頭紅夭夭曲曲玉鸞
卷翠鳥翔空迷近遠玉階秀茁蘭筍長瓊砂迸出蘆芽淺徘徊
困倚東風力溼砌香雲墜無跡無限嬌羞不自持君王喚起扶
花立

題紫微老人大字歌

紫微老人射生平手挽強竟取黃金斗驃騎營中拜驍勇鳳凰池
上稱耆舊時平腕力無所施筋骨猶能學顏柳縱橫戎略結構
體殺活兵機屈伸肘山莊劉氏得最多當日檐榆駐應久高樓
大扁曰明遠况有愛山并尚友我來後日五十年主人酌我樓
中酒平田野水鳧雁集重岡複嶺蛟龍走登高欲賦乏佳興忽
覩台躔照窗牖家藏有此希世珍取酒當為主人壽想當洗研
殘筆時雨苦生風劍龍吼烏知今人正傳玩名與麒麟同不朽

道吳山

道吳山頭龍自臥墨嶂重岡深紫邏靈湫瀑布千尺長古寺神
杉十圍大崇坎坎風雨來樵徑丁丁鴻雁過郡人夜望北斗魁
下有突兀青蓮座

大圍山

大圍山高幾許絕頂嵯峨戴林塢石隙花開自夏春地爐僧
擁無寒暑清流白鷗滌羽毛綠樹黃熊引筋脊山腰日午嬰兒
啼知有雷公出行雨

大明殿早朝

扶搖萬里上青霄鳳閣龍池覲帝迢駝背負琛金絡索象身備
駕玉道遙衣冠俯伏傳呼嶽干羽低回看舞韶湖海布衣瞻盛
事他時田野夢天朝

相臺

負郭東南裴相臺綠溪一徑踏蒼苔此日城闈少人到當時公
府棄官來禪床象屋留光雨書沼蛙聲噪鞠灰坐待氛塵純斂
淨舉頭應解識三台

至正壬午十一月十三日祭初祖墓

白髮甘泉忝從官歸來曳履上吟壇故山虎豹多文采白水蛟
螭有屈蟠謁客及門容履滿贄文盈篋借燈看百年省墓償初
志心憶先親已痛難

送李宜忠之寧州教授

廣文家住白芒原唐世忠臣閱存寧郡嘉迎新博士邦人特
重舊王孫楊花絳帳春雲陣苔蘚丹書暮雨痕向使汾陽晞暖
在應慚詩禮在名門

竹澗圖

青林翠嶽俯江郊谷口湍流巨石均夏玉萬竿鳴水樂坐紳隻
瀑盪雲旃風漪靜浸蒼龍影月瀨光搖紫鳳巢歌罷商巖採芝
曲兩翁翰墨定神交

接花木

園丁妙手即花神換葉移枝偽脫真刀剪豈能傷化力色香無
復記前身春淡自有鸞膠續歲久行看鶴膝伸堪笑微生亦如
此任呼牛馬定誰人

寄有壬許叅政

京華白髮染塵埃嘉見文場閉復開自是曹參當繼相不然王
式有輕來上躬藻火慙無補衆論鹽梅屬有材素志已酬歸欲
早相期濁酒坐莓苔

西明道人

武昌堤上水雲身三十年來識道人只為漫遊相見少故知臨
別贈言頗懂懂車馬紅塵老靡靡江山白髮新邂逅一回頻唱
和錦囊千首未為貧

昌山

昌山峽口日西斜蘭渚維舟近酒家水激樹根龍露爪石排江
岼虎交牙路南迴佛寺藏溪塢風動漁舟掃落花再拜靈均獻
蘋藻月明環珮下汀沙

早飲聽秋居士園池

碧池流水綠潺潺高下樓臺紫翠間阮籍才華勝南族謝安清
致滿東山標名花塢鶯爭道集句桃符鹿守關灑掃園丁令白
髮秋翁化鶴幾時還

題所貴姪梅

老樹縱橫出幾條一枝還又亞牆腰西湖湖上掀蓬看一夜吹香滿六橋

陳搏睡圖

陳橋一夜柘袍黃天下都無鼾睡方贏得墜驢閒老子為君眠斷白雲香鄉

閒展山水手卷

十年京國看圖畫半幅雲煙亦惱儂今日身行屏障裏却思移住最高峯

東山春景

春光澹澹日遲遲正是名園撲蝶時却憶小橋水流過東山春色在桃枝

范梈

字亨甫 惠機清江人家貧早孤母熊氏守志不他遠長而
教之梈聰慧所誦讀輒記憶癯然清寒若不勝衣於流俗
中克自樹立固窮守節竭力以養親諸公間用朝臣薦授
人罕知者年三十六始客京師有聲諸公間用朝臣薦授
翰林院編修官秩滿擢海南海北道廉訪司照磨遷江
湖東選充翰林供奉無別尤甚梈作歌詩一闕俗素汚文
局取良家子為繡工遣之未幾移疾歸天歷二年詔起用
訪使取以上聞皆罷遣之未幾移疾歸天歷二年詔起用
以養親辭是歲嬰母喪甫期梈亦得疾卒年五十九所著詩文多行於世

節婦王氏

妾年時二三始識月團圓十二學女工刺繡如鴛鴦十九嫁夫家事姑施衿鞶夫婿良家兒世籍為王官雖聯朱紫貴不習綺與紈過庭執詩禮開口若驚湍風儀在一時爭作玉人看天地忽降毒推折青瓊玕回首四十春景光若流九貞心守松栢芳性軼芝蘭落月簾帷曙西風機杼寒沈思在昔事淚下紅闌干

豪客至茅屋舉家竄林巒入房衛病姑身死白刃攢相向義憐
釋視死色無難親知為歎息保社為辛酸欲與上州府為妾旌
闡妾實無所願唯願在所安婦人往從人阿母涕汎瀾送行遺
之語敬順無違歡匹偶固有時寧知憂患端辛苦蹈物變豈美
身獨完殷勤謝舊故聞者摧肺肝

贈別張清夫還吳

新雨不作泥鈎鞞樹上啼征夫懷遠路家在太湖西別家今幾
度楊柳江邊樹念鄉車輪下漸是中年路萬事中年尚可期人
生且莫長別離長別離向何方九河落花青浦香王睢班班鳧
乳黃南望不見三高堂奈此遊子思故鄉我家朱公濟時早功
成身退合天道當時未必知者賢挽不回之臥煙島後來閱盡
虧成事始識從初去時好我不能赤手縛虹蜺又豈能委身同
草木生逢有道世肯受泥塗辱昨者誤奮龍門雷蠅蚋嘲之自
云足憂來舉觴酬白日唯有皇天照空谷張公子吳江生我有
千載意不羨身後名為君寫作送行曲曲中鏗夏難為情明日
買船櫂秋聲亦欲東下窺滄瀛飄然始去白玉京須君禹穴相
逢迎相迎不見須相待客行雖遲心不改

王氏能遠樓

遊莫羨天池鵬歸莫問遼東鶴人生萬事須自為跬步江山卽
寥廓請君得酒勿少畱為我痛酌能遠之高樓醉捧勾吳匣中
劍研斷千秋萬古愁滄溟朝旭射燕甸桑枝正搭虛窗面昆侖
池上碧桃花舞盡東風千萬片千萬片落誰家願傾海水溢流
霞寄謝尊前望鄉客底須惆悵惜天涯

輓轡怨

門前水揚聲似雨幽人當窗碧絃語東里征夫去不歸一隻蛾
省鏡中舞年年井上攀轆轤勞心只恐秋葵枯他年種得長生
草梅花落盡青青好

雲林歌為貢供奉作

朝望宣城夕企雲林掃花釣月清我閒心城東之山倚天碧手
捫南斗近只尺幽人築堂面山坐絕似謝公故時宅謝公今何
在蒼苔剪行跡調笙誦新詩流水照白石看水作明鏡年光靜
來往夜濶敬亭兩坐見南湖長清風被長陂鳥度菱葭響雲之
林兮不可攀中有青猿白鶴相盤桓林之雲兮不可縛時來宿
我青檐端昂藏老僊人抱琴臥山前憶在中華時相逢鬢未白
問之不笑亦不言阿家中子瀛洲客却起遺我寶字書依稀攝
精縛魂魄相期後天無極年笑爾守之合自然御氣還得同飛

何
僊未登雲林堂試作雲林歌嗟我久客意衰邁雲林雲林奈爾

掘塚歌

昨日舊塚掘今朝新塚成塚前兩翁仲送舊還迎新舊魂未出
新魂入舊菟還對新魂泣舊魂丁寧語新魂好地不用多子孫
子孫綿綿如不絕曾孫不掘玄孫掘我今掘矣良可悲不知君
掘又何時

贈別徐教授之欽州

冉冉歲月莫悠悠關塞長歌鐘凝旅晏舞袖拂征艎到日梅花
亂來春蕙草芳南金自昔重寄贈可能忘

和李漑之園居襟咏三首

書劍上青霄鄉關雨雪遙年華侵水竹客思墮山苗會想商岳

綺將從鄭里僑文辭誠小伎祇比俗情饒
豈是幽棲地飛騰亦未量城根分鼠壤池面合魚梁名久喧郎
署歌時感女桑畏卿音調苦疇復貴相忘
圃色依簾障天光切戶庭草生連夜雨花落遍池星未遂翔寥
廓真堪託晦冥逢時須紫燕得意拂青萍

辛酉歲元日

西山千仞鬱崔嵬山下樓臺紫翠開玉帛會同來萬國璣衡縣
運屬三台嘗聞海客談金鼎更見祠官進玉杯慚愧詞臣今日
首久無賦頌獻蓬萊

四月十六日東華門奉迎香輿

天香曉報出宮城已辦螭頭合樂迎黃鳥低斜衝隊過紫駟疎
蕩著班行百王盛祀無遺典萬乘溪居有至情最喜快傳湯沐

賜禮官識姓未知名

送白無咎太守之郡

瀟灑中書舊省郎排雲曾攬舜衣裳一麾况復守名郡萬事不
如歸故鄉馬首漸違燕闕雨雁聲欲度晉城霜漢廷擇相皆良
吏蚤奉潘輿謁建章

寄上甘肅吳右丞二首

要使明時化遠覃玉門關上下屈征驂多憂總為民心苦有喜
唯聞郡姓甘日晚邊沙黃逸逸天晴隴樹碧毵毵國風不繫秦
州外自此西人識召南

塞上孤鷹白雪毛塞門風物靜蕭騷黃河西去從天下秦華東
來拔地高枸杞莫將如意苾醍醐足飲勝蒲萄遙瞻圭袞還舟
日正屬江湖心緒勞

寄題集賢周司直

番陽東下萬山圍，魁閣崢嶸面翠微。
雲接大荒迴古色，波涵落木動晴暉。
宦情靜與遊魚遊，逝詩思長隨夕鳥飛。
久待倚闌成獨酌，癡兒了事各須歸。

張留公母

山風遙引紫雲車，樓閣春深阿母家。
更五十周重甲子，後三千歲一桃花。
綵衣故綰封畱印，白壁新隨使蜀查。
見說麻姑舊行處，至今源上有丹砂。

開歲

自違北極向南辰，重見東皇似故人。
合席管絃方殿歲，殊鄉花柳覺先春。
水歸楚澤魚俱化，天覆周郊獸亦仁。
薄宦於時無補報，且須康濟百年身。

草堂

草堂不在萬山峯，時有幽人步往蹤。
雨壓牆煙籠薜荔，石行渠水鑑芙蓉。
清名豈讓陶貞白，共住猶強陸士龍。
忽憶雁行天外去，歸來期向粵城中。

送毛鍊師奉祠禮成還京

僊官持節下青冥，海濱嚴祠衛百靈。
行為治平循禹服，禮從禋祀想虞廷。
東風到處隨神雨，南極歸來奏壽星。
致福要當宣室問，鶴書先報白雲扃。

送別周儀之官錢唐并柬李四秘書

武帝龍飛第一春，京華相送各沾巾。
詎知邂逅文身地，同是栖遲皓首人。
山驛蛟眠星滿洞，水鄉夜起月迷津。
若逢李謫南天竺，為說前書感謝頻。

將赴雷陽送羅提舉之任廣東

松滋暫泊薊門船復指番禺路幾千茉莉香深和酒露枕柳葉
暗煮鹽煙齊人舊算無遺策漢史新藏有剩錢莫為遐荒心力
怠朱崖更在海南邊

以瓊扇一握奉致黃明府

拾得炎州月一團殷勤持贈比琅玕情知已是秋風後畱作明
年九夏寒

鍾陵夜宿聞鐘

中年江海夢虛皇夜半聞鐘似上陽一百八聲猶未已更兼雲
外雁啼霜

渡端州峽

濯郎得便泝清流忽報舟前曉霧收蠻語酬人翻自苦好山不

敢何問州

聞東鄰夜歌

促拍繁歌涕不停月高絃語轉明星莫令知有西鄰客獨坐挑
燈看六經

薛漢

字宗海詩名象峯集

擬古二首

皎々機上絲織為遊子衣遊子蕩風塵素衣化成緇風塵不可
避四顧將何之豈不念潔白徒重墨子悲勗哉如澣濯河水清
且漪

娉婷閨女中天質知自愛空懷蘋藻心日月苦行邁蹇修意良
勤遲々如有待未嫁庸何傷失身墜東海

宋元詩會 卷之七十六 十七 鈔本
送牟伯厚還雪

西風起隻鴻渺、度萬山空林霜霰落各念飲咏難中途忽相
失獨留諒無歡極目送冥飛風雲逸倫翰低回守羅網自顧形
影單奮翅念遠舉天路浩漫、空想五湖水東風漲波瀾

寄余希聲

寄語中林友相思又幾朝書雖為路阻夢不怕山遙風定落花
慢雨深青草驕人情諒難必不似往來潮

枉渚

枉渚倚孤櫂意行隨杖藜鷗遠邊漁艇小牛後牧童低秋色多因
樹寒聲半是溪何當買茅屋此地卜幽棲

湖上

一舸泛霜晴湖波寒更清平堤連野色遠市合春聲塵土浪終

日山林負平生回頭夕陽外烟渚白鷗輕

搖落

搖落歲華晚蕭條門巷空黃花數點兩紅葉五更風挽鏡徒催
老耽書漫得窮親朋頃乖隔幽意若為同

送柳湯佐

太行盤踞勢嚴、五馬初行衆具瞻他日去思應借寇此時來
暮正歌廉七賢舊竹風流在萬善新茶歲貢兼莫謂名邦天稍
遠飛龍曾向此中潛

送趙虛一降香之至海南廬山會稽

天香分下殿西頭處士今乘使者騶曾是騎麟駮北斗真成跨
鶴過揚州山中五老應相識海上三神亦易求勾越東南僊柱
觀神光依舊貫林丘

睡起

卷簾春色上苔衣新水相看近竹扉風動樹枝鳴宿鳥雲收山
崦放晴暉舉杯竹葉歸愁去欹枕楊花約夢飛腸斷碧苔溪上
路暖風斜日釣魚溪磯

和馬中丞無題詩三首

乘槎準擬逐秋潮却訪成都萬里橋滄海有山皆縹緲青雲無
路不迢遙閒居潘岳驚斑鬢歸去陶潛懶折腰後夜相期明月
上露臺高處弄笙簫

驥服鹽車兩耳垂臂無九折未成衣醫欲尋箕穎終逃世苦恨
章逢不入時金井蛩明鳴知露冷銀橋鵲度見星移長貧久客
應無補擬挹滄浪塞漏衣

良人執戟侍明光誰與金爐共夕香妝鏡曉寒凝蝶粉舞衣春
暖卸鶯簧渡江桃葉應憐我照水荷花宛見即太息蹇修無復
理空思搵手又縫裳

陸陸景龍

字德陽詩名湖峯集

楫杜高

安樂窩中興澹然靈根斫得自樵僊地爐伏火春如海雪屋圍
風夜似年香遠透玉酥和芋撥脂流琥珀帶松然任他沈水燒
金鴨吹徹參差惱醉眠

紙帳

溪藤搗雪淨無瑕素箔圍風絕可誇夢入清虛明月照倦遊廣
漢白雲遮繭窩春暖浮銀色鮫室宵分散玉華驚鶴一聲天已
豁老夫詩思繞梅花

宋元詩會卷之七十七

皖桐陳

焯默公輯選

後學程

任松泉叅較

揭傒斯

尤字曼碩龍興富州人父來成宋鄉貢進士僊斯幼貧讀書尤刻苦晝夜不懈繇是貫通百氏大惠間遊湘漢程鉅夫盧摯先後為湖南憲長咸器重之鉅夫因妻以從妹延祐間程盧列薦於朝特授翰林國史院編修官時平章李孟監修國史讀其所撰應奉遷國子助教再入翰林天歷初開人直膳吏讀其經儒臣必問曰閣中奏對稱旨恒呼字而奎章閣首擢授經郎文宗時幸閣中奏對稱旨恒呼字而不名每中書奏用儒臣必問曰閣中奏對稱旨恒呼字而經世大典授藝文監丞泰簡較其材視揭曼碩何如與修制集賢學士代嗣祠北獄還擢奎章閣事元統初遷翰林學士陞侍講學士同知經筵至三年七年十請老不許詔修遼金宋三史以僊斯為總裁四年遼史成未幾得疾七日卒追封文安

遊麻姑山雲關

君子荷初服息至若無榮穆、芳雨散悠、蒼山行危闕擁霧

宋元詩會 卷之七十一 鈔本
黑飛桁緣雲青苔薜滑如積松杉香冥冥時逢負芝翁忽聞流水聲舉足向益高矯然欲遐征徒隸各忘憐矧彼高人情

黃鶴山聽雨得清字

玄局息溪構虛館含餘清灑洒松上來瑟縮花間鳴遙兼夜柝驚警細與寒更并懷親感離別撫物愧生成土思浩方殷春聲耿逾明幸及朋知好達此旦暮情北展非窮轅南山夢歸耕何言託毫素聊與款先生

湖南憲使盧學士移病歸穎舟次武昌辱問不肖姓名奉

寄

我本耕牧豎結廬章江浹微生屬休明世尚猶典禮驚颺卷飛轍寥落從此始三年江漢春萬事隨逝水既昧理生術復慚遊方旨豈無青山歸亦有桑與梓何為苦留滯眷存君子君子諒不然東臯畢耘耔

麻姑壇

嵯峨仙都觀遙望丹霞天後有千歲松前有百頃田風日夏颯沓烟雲晝蔥芊羣彥一時集安知非列仙持觴起相酬罷琴接高言天道信悠邈人情何拘攣靈君不可致落景詎少延仰雖慚冥俯寶夏元主人願坐客此中可忘年

正月十二日尋盧學士船至漢口留詩為別

晴江澹微瀾曳雲在層巘參差連舫出散漫羣鷗遠始知遵漢廣遙睇高旆卷懷寶賢每忘賤臨流亦忘塞蒼茫景將入杳渺春猶淺新知遽相違餘悰何由展

重餞李九時殺賊得南樓月

娟臨古戍晃辭烟樹寒通雲夢深白映蒼祠暮湖牀看逾

近楚酒愁難駐雁背欲成霜林梢初泣露故人明夜泊相望定
何處且照東海歸行送歸舟去

過江舟

遙瞻九江樹已踏西江土落日照庾樓驚風滿湓浦寒鷗迎櫂
起遠岫依城吐悵然感羈遊澹爾成賓主白頭釣魚叟赤足沈
紗女未識居者觀安知行者苦

春日雜言

羃歷楊柳枝蒙茸春草齊天誰家婦采桑臨路岐零露沾其
裳蛛絲卷其衣樹高身苦弱蠶饑行復遲辛苦事姑嫜宿昔減
容輝見者皆歎息此心獨誰知良久人至暮至嗔問汝何為

三月三日奉陪憲使程公遊麻源第三谷宴藏書山房白
雪樓

明公富暇豫勝日懷登臨蹀躞驄馬行窈窕幽人心懸崖響晴
雨奔流濯春陰雲門轉絕壑畫橋貫長林拂石慨往運聞鐘知
古音蒼松有百圍突嶂踰萬尋小憩釣魚臺聿瞻華子岑捫蘿
入縹緲側徑臨蕭森上有百尺樓下有孤猿吟初筵俯層巔微
風蕩危襟笑語信忘我觥籌浩難任豈不念永留惘然歸思深
遊禪林寺喜得昌上人

靈臯獨懷往危軒泊閒寂偶與塵事違况值禪林客深苔上修
玉輶霏澹凝碧驀見飛鳥還靜聞寒溜滴空明會真賞漂流得
良覲常恐心迹乖無由展平筭

淵明歸興圖

家貧無酒飲聊欲試絃歌去家百餘里邈若異山河江上日多
風浩浩水增波門前五柳樹繁蔭空婆娑秫田已收成歸計當

如何

雜詩

青：孤生松高出浮雲中下有嘉樹林上有萬里風俯視原上
草秀色何丰茸自顧豈不高獨立難為容常恐本根蠹委此蒿
與蓬

送袁先輩之盱江

賤貧戀知己親愛畏離別兩罷江色黃扁舟此時發煙綿綠蕪
遠杳渺孤禽波沒行雲滿面西原麻姑在天末

送華尊師以天壽節奉詔祠武當

靈時嚴漢祠神峯標禁楚甸羽人丹丘伯承詔馳嘉薦華渚曜
玉虹條風舞玄燕長淮雨中瀉喬嶽雲間獻步甸歷峻址梯空
答弘願投簡香始升揭虔帝如眷天清翼軫動地肅玄武見飛

迴迴相聞奇祥靜逾絢是有真侶早接諸方援胼胝負畚鍤
鑿翠蓄雷電金芝產齋房瑤雲冠巖殿祈禱無歲年會節方紛
衍既協時若降又樂明祀徧聖歷齊堪輿豐澤周寓縣還歸報
天子獨往奚所羨

春暮閒居寄城西程漢翁十五韻

迢、層城阿我、鳳凰山下士隱淪士能為河漢言兩日一寓
音五日一承顏每談經濟事恒及離亂間言辭多慷慨文字少
凋殘不歎東逝川但憶南山田寧為無心遊不受衆目憐褰裳
必峻嶠散步亦名園卷舒信在襟蕭寂固所安經春窘疾痲撫
時增懦孱羣書亂藥裏高卧掩荆闕蹇予屬久要朝詣常暮還
醜劣愧高情烏知君所觀日出衆鳥語蒼岑滿樓端申章寫淡
詣謫薄何由宣

去婦詞

江東有一士子留都下三年適娶一貴人女為妻久乃知其
已有妻矣子一夕逃去因託去婦為之詩非徒欲傳其事抑以
示風戒云爾

輕合鮮義終苟容希禮遇遠結萬里婚多為才名誤始與君結
好不知君有婦有女嫁他人俱懷託遲暮青、牆下草生死牆
下路娟、道傍花零落無處尋所女子失其身何以保貞素既
乖百年意百年誰能度對鏡空悲惜中心良難訴浮萍難為託
一木無兩附棄舊屬新歡新歡漸成故寧當中路折莫被他人去寧
老阿母倚不受他人妬騰身出房闥兩絕無復顧豈願嫁他人
甘心西山樹

贈王郎

王郎楚狂士意氣飛秋霜讀書盡萬卷下筆數千行富貴視浮
雲况肯矜文章十五恥里居掉臂辭故鄉夜宿東海月朝買西
州航瞑目王公前結客少年場一飲或一石一醉或一觴寧揖
屠狗人不與俗士當千金不易笑歲暮單衣裳阮籍在窮途英
聲連四方鸞鵠有時鍛反愧燕雀翔世無劇孟交不及青樓倡
燕趙如花人翠袂黃金璫不識豪俊士空婚癡與狂王郎遠過
我坐我枯藜床終夕無酒飯撫髀歌慨慷平明別我極目空茫
茫

登祝融峯贈星上人

洞庭南桂嶺北衡山連延瀟湘黑中有祝融如髻髮嵯峨七十
二峯間祝融不自知千山萬山如廻環廻環面、芙蓉粧儼如
天仙朝紫皇千官百辟遥相望半夜每瞻東海日六月常飛滿

樹霜龍拏鳳攫熊虜躑雲生霧滅何時極我來正值太平時况
有山僧似疇昔憑高一覽四海空草間培塿安足雄盤：羅漢
臺翕：炎帝宮復恐九天上視我如井中朔風日夜相騰盛谷
老崖堅松栢禿古來鐵瓦盡飄揚山上至今猶板屋山僧勸我
歌我歌徒自傷天下五嶽嵩中央此山與我俱南疆我今三十
始一見北望中原天更長

送黃五舅得武陵較官還辰州寓居省侍

寧上山頭種禾黍莫向他鄉作羈旅山田得雨尚有年他鄉樵
悴何人憐一身千里家何在全家更在沅湘外獨樹雞鳴楓葉
飛荒村雁落落蘆花碎親在窮途望子還子在長途衣復單居
無寸田出無僕明年作官當食祿

望葛市有懷故人盧子儀

順流無風江更急歲暮歸人浩難繫所思只隔江上村亂樹參
差不容入憶昨扁舟滌雲夢觸熱千里能相送我來悵望竟空
還一樽知是何年共樊山蒼：赤壁暮武昌對岸黃州路連
聲大笑櫓如飛回頭獨送孤雲去

題邢先輩西望壁山水圖

邢家蒼：西屋壁萬壑千山動寒色大江忽轉天地迴浮雲孤
飛日月白參差樓觀照林紅松檜淒迷起朔風崑崙蓬萊不可
到赤城白帝遙相通賤子平生尚奇偉南極衡相望北幽冀復
從大駕上灤京始投邢君多意氣君昔扈從戎馬間少壯不知
行路難月明飲馬長城窟雪深射虎祁連山萬里歸來太平日
坐我江山憂百失平明萬騎出天門又駕官車就行役

研山詩

山石出靈壁其大不盈尺高半之中隔絕澗前後五十五峰
東南有飛磴橫出方平可二寸許鑿以為硯號曰研山在唐
已有名後歸于李後主主亡歸于宋米芾元章刻其下述所
由來甚詳宋之季歸于天台戴運使覺民後又歸其族人宰
相賈似道求之弗與攜持兵亂間寢處與俱乃獲全大都太
乙崇福宮張真人本戴氏子今年春貽書得之請予賦詩其
辭曰

何年靈壁一拳石五十五峯不盈尺峯一相向如削鐵祝融紫
蓋前後列東南一泓猶可愛白晝玄雲生隱霽在唐已著羣玉
賦入宋更受元章拜天台瀕洞雲海連戴氏藏之餘百年護持
不浣權貴手離亂獨與身俱全帝傍真人乘紫霞尺書招之若
還家陰崖洞壑寒飭宛轉細路通猿斜崑崙蓬萊與方壺坐

卧相對神僊居硬黃從馮帖汗青或抄鴻寶書秦淮咽、金陵
道此物幸不隨秋草願君谷神長不老淨几明窗永相保

題百丈輝光長老所藏李仲寶之孫歲寒圖

豫章西南百丈峯下有竹多長松巢雲貯霧翻飛淙緣嵯峩繞
澗迷春冬馬駒踏人有龍象東陽老輝在百丈西江瀉入半甌
茶卧竹眠松九天上薊丘丈人子又孫筆入造化春無痕清風
滿、上界聞夜闌疎鐘啼斷猿

白楊河看月

白楊河上看明月昔人曾照今人別茅屋數家河上村化作三
山白銀闕波平風靜權歌來萬頃冲融鏡面開今夜江南憶遊
子空瞻雲漢上照回茫、萬里燕齊路北斗縱橫泰階曙黃河
東逝月西流明日南風過洪去

大信晚泊呈舟中諸公

千家楊柳江當門東梁西梁兩岸躡連檣大艦集日昏撥金伐
鼓海上聞小江更出采石後前人立功後人守大信花采石酒
陌上相逢莫回首

李宮人琵琶引

鄆縣亢主簿言有李宮人者善琵琶至元十九年以良家子
入宮得幸比之王昭君至大中入事興聖宮緣有足疾乃得
賜歸侍母給內俸如故因亢且乞詩於予為作李宮人琵琶
引其辭曰

茫茫青塚春風裏歲歲寒風吹不起傳得琵琶馬上聲古今只
有王與李李氏昔在至元中少小辭家來入宮一見世皇稱藝
絕珠歌翠舞忽如空君王豈為紅顏惜自有衆彈不得玉觴未
舉樂未停一曲便覺千金直廣寒殿裏月流輝太液池頭花發
時舊曲未終新解譜新聲萬變總相宜三十六年如一日長得
君王賜顏色形容漸改病相尋獨抱琵琶空歎息興聖宮中爰
更深承恩始得遂歸心時時尚被宮中召彊理琵琶絃上音琵
琶調終聲轉溢堂上慈親還佇立回看舊賜滿床頭落花飛絮
春風急

祖生詩

浦城孝子身姓祖自憐性命如糞土生才五歲遭亂離有母更
被官軍擄零丁二十八春秋母縱得生何處求天地茫茫明月
恨江山漠漠白雲愁忽得母書驚母在看書未盡淚先流書云
流落河南縣河南踟躕遍無由見唐州境上忽相逢白髮蕭蕭霜
滿面誰知喜極情轉悲旁人更問初別時十生萬死到今日始

為母子東南歸東南迢遞閩山路入門猶記塔前樹居人傳說
盡相看雞黍提攜竟朝暮祖生母子真可憐少壯離別老大還
同時鄉井被兵者幾人骨肉能生全願生母子長壽考四海昇
平永相保

居庸行

昔望居庸今出居庸北巖巒爭吞吐風水清且激逶迤數千里
曲折殊未息關山門兩向當天開馬如流水車如雷荒雞一鳴
關吏起列宿慘淡雲徘徊山盤石圍山如龍石如虎龍怒
欲騰虜欲舞太行劍勢如許昔不容單車今馬列十伍聖人有
道關門開關門開千萬古

長風沙夜泊

長風沙沙不斷行人嗟行人嗟奈君何南風正高北風起大船
初灣小船喜移船更近大船頭不獨風沙夜可憂但祝行人好
心事長江何處是安流茅舍黍差數株柳時平尚置官軍守青
裙老嫗詫鮮魚白髮殘兵賣私酒

夏五月武昌舟中觸目

兩鬢背立鳴雙櫓短蓑開合滄江兩青山如龍入雲去白髮何
人並沙語船頭尾和蓬上雨鳴蓬下坐推蓬不省是何鄉但見
雙、白鷗過

題明皇出遊圖應制

明皇八駿爭馳道還是開元是天寶長安花發萬年枝不識年
華醉中老奎章閣下文書靜衮衣高拱唐虞聖莫言此画徒爾
為千載君王作金鏡

黃尊師高軒觀鷺因留宿

開軒南嶽下世事未曾聞
落葉常疑兩方池半是雲
偶尋騎鶴侶來此看鵝羣
一夜潺湲裏秋光得細分

飲張氏別墅

楚國多才俊張家好弟兄
出門湖水碧留客野堂清
微雨鳴疎竹塞烟覆古城
園人隔畦語歲暮此中行

以事暫如武昌發臨川

江轉欲無路山迴忽似圍
客程秋共遠物色晚多違
稍、沙鷗集息、野樹稀
武昌今夜夢定遇故人非

過南康夜泊聞廬阜鐘聲

廬山三百寺何處叩層雲
宿鳥月中起歸人湖上聞
入空應更迴近瀑正難分
遥想諸僧定香爐上夕熏

喜趙順昌官滿來歸

七載卑栖邑孤標浩蕩中去時
惟自信歸日幾人同平世難為
澤高人不計功黃河萬里道
洗楫待春風

寄題永豐劉氏暖翠亭二首

孤亭萬竹中危坐自生風
近與山光合遙連野氣通
鳥啼深不見泉響靜偏聰
束帛休相污先生道未窮

雞山俯鷺溪亭上子画堂西
流水芟蒲合陽林竹樹齊
耕桑烟外集賓客雨中攜
萬事俱塵土詩成手自題

送陳教授赴郴州

君向郴州去迢、千里餘年
侵別後鬢客問講殘書
斷雁秋風外啼猿落日
初興文今日意慎莫愛吾廬

出三洪峽

積水羣山裏行舟亂石間
地偏疑隔世峽怒欲藏關
獨鳥啼深

樹斜陽下急灘千夏逢一快未覺此生屨

山莊晚立有懷舍侄沆督獲臨川

菽、黃葉桑蒼、白竹峯居人爭野碓歸客背村鐘路暗綠溪
涇山寒著露濃阿戎收稻米辛苦缺相從

望嶽

岱宗齊魯間萬古統羣山日向夜中見雲從海外還蓄靈溪屏
翰空翠滿河闕盡日臨霽巖、不可攀

寄題太子文學張希孟凝雲石

聞說張文學家藏石一拳斷痕分淺黛古色亂輕烟潤想猶懷
玉幽疑欲迸泉應從少梅得宿昔滿桑田

石鼓

孔廟頽墻下周宣石鼓眠苔分馱火迹雨洗篆螭涎野老偷為

白居易打賣錢有形終亦盡流落謾堪憐

銅儀 宋沈存中所鑄

法像坤儀重來從汴水遷飛龍纏四極黃道界中天望絕秋毫
末循環太古前荒臺明月夜應有淚潺湲

趙道士山水圖

悄愴寒山曉淒迷野水昏長橋通古寺小艇背衡門路盡雙松
上雲生亂石根如行南嶽暮遙見祝融尊

大駕既還獨候驛傳未得和和陳真人見示

供奉關山遠淹留日月長鄉書迷楚越鄰笛亂伊涼秋水流成
字晴雲去作行寸心縣帳殿應似雁隨陽

沈逸人東觀招飲山館

野館青山下晴軒積雨餘招尋蒙遠客寐莫愧閒居空翠沾杯

冷殘雲度谷虛從茲結朋好隨處問何如

參禪圖

圖寓洞賓黃龍東坡佛印

兩山從兩禪異代各談玄絕塵壁浮春樹空山響夜泉共遺行
住想俱斷去來緣此日開圖画焚香亦爽然

和傅汝礪

近日何多念頻年不肯還河流無故道春色是他山
裴几看雲凭衡門罷月闕無情寒與暑偏解鑄衰顏

送秦從事嶧卿赴遷安令

聲名藉、秦著作不見即君出宰時路入北平黃葉盡
夢回西掖白雲移罷氓舊塞猶耕種野老溪村幾亂離
遙想此行前未有來時嗟晚去思遲

楚山秋晚

山人何處抱琴歸遙想樓臺隔翠微老樹風生舟正泊
空江日落雁初飛豈無賦客能招隱亦有漁翁醉息機
一幅秋光舒復卷誰教塵土浣人衣

子陵獨釣圖

何事玄纁入里閭羊裘暫脫就安居空令太史驚同寢
猶把狂奴視報書一出聊為天子重諸公莫道故人疎
朝廷自足中興士且放桐江著老漁

石門硤

長安硤裏子規啼峭壁蒼、北斗低雲氣倒連山影合
石稜斜闌浪聲齊南風盡日迎歸櫂落月空江夢故樓
一室十人分數郡百年幾處候晨雞

夢黃鶴樓

宋元詩會 卷之七十一 十一 鈔本
黃鶴樓前鸚鵡洲夢中渾似昔時遊蒼山斜入三湘路落日平
鋪七澤流鼓角沈雄遙動地帆檣高下亂維舟故人雖在分
散獨向南池看白鷗

送詹尊師歸廬山

香爐峰色紫生烟一入京華路杳然雲碓秋閒春藥水兩犁春
卧種芝田書憑海鶴來時寄劍自潭蛟去後縣忽報歸期驚倦
客獨憐微祿負中年

送大名安治中守沔陽

展漑猶穿魏郡花分符忽指竟陵瓜行瞻禹跡過三峽帶擁羲
文望五華春雨蠶桑無曠土秋風魚稻滿貧家亦知王政仁為
本莫厭公田飯有沙

憶昨三首

宮草蔥茸禁樹稀日趨廷顯對凝輝朝迎步輦花間出暮送回
鑾柳下歸碧殿東浮蒼嶽合金河北引玉泉肥幾回弘慶門前
路春氣濛濛欲染衣

已已羣儒映壁奎端陽侍燕寶慈西線分學士親臣送詩賜黃
姑御手題注酒含春瑤露重承塵轉午錦雲低日斜共出西門
道既醉猶能散馬蹄

奎章分署隔窗紗不斷香風別殿花留守日頒中賜果宣徽月
送上供茶諸生講罷仍番直學士詩成每自誇五載光陰如過
客九疑無處望重華

按客有問於虞伯生曰楊仲弘詩如何曰如百戰健兒范德
機詩如何曰如唐臨晉帖揭曼碩詩如何曰如三日新婦先
生詩如何笑曰集乃漢廷老吏也揭聞之不悅故此首中聯

有學士詩成每自誇之句伯生得詩謂門人曰揭公才力竭矣因荅以詩云故人不肯宿山家夜半驅車踏月華寄語旁人休大笑詩成端的向誰誇併題其後云今日新婦老矣

和張太一秋興二首

翩、公子五雲中風骨雖殊意氣同道德淵源行地遠神明臺觀與天通欲隨穆滿賓王母更擬軒轅相大鴻南國正秋憂旱暵誰驅列缺起豐隆

蓬萊金闕亦回闌龍席神君禹步寬朝燕日華當食穀夜迎天伏識鳴鑿露飛仙掌金莖凍月滿玄都玉佩寒遙想西齋清似水吟詩聽到漏聲殘

送李掾自北回歸省長沙因簡趙宣慰張徵士呂宗二判官

萬里風沙斷三湘日夜流名成白首歲暮客扁舟黃鵠延歸思丹楓替別愁眼穿迴處雁心靜狎餘鷗細雨黃陵廟殘陽杜若洲漸深桑梓敬翻畏友朋留送遠漸羈旅臨分憶舊遊鐘聲衡岳曙帆影洞庭秋風壤通蠻徼烟霞拂帝丘交歌明月市傾旆壓雲樓訪菊逢徵士行瓜識故侯為言憔悴客敝盡黑貂裘

曉出順城門有懷何太虛

步出城南門張望江南路前日風雨中故人從此去
和歐陽南陽月夜思

月出照中園鄰家猶未眠不嫌風露冷看到樹陰圓

題鴈圖

寒向江南暖飢向江南飽物、是江南不道江南好
何失

燕人所以織紗為業與張進忠製筆齊名夫獨工詩為士大夫所敬重揭侯斯贈詩云心事果由上文章陶阮間

感興

渥洼騏驎兒自有絕塵足錦帳過都門飛采射衆目歎彼轅下
妾亦非駕駘物世乏伯樂傳誰識千金骨所以荷叢士烟水日
淪沒

對酒

古人不我俟不共此酒醇此酒復易盡不能俟後人並世有不
察異代若為親茫茫宇宙間此把難具陳惟應空中月分留大
江濱

莫吟

獨老朝、出或醉莫未歸高樹挂秋月山妻候柴扉飲伴更相
送欲辟意難違感此鄉曲情淚下忽霑衣

書懷

野性長便雲水居城中有屋不如無慳時因記人來往多少紅
塵汗白鬚

燕都雜題

一夜春陰徹曉寒玉山無奈酒杯乾青娥知有愁多少狼藉殘
妝懶對看

雅琥

字玉卿
可溫人

唐宮題葉

彩毫將恨付霜紅恨自綿、水自東金屋有關嚴虎豹玉書無
路託鱗鴻秋期暗度驚催織春信潛通誤守宮莫道銀河消息
杳明年錦樹又西風

崔徽寫真

舞鸞妝鏡拭鉛華
毫數無聲散彩霞
夜月影寒分桂魄
春冰暈薄映花
夢隨圖去憑青色
鳥愁逐書來點墨
鴉未得離魂如倩
女哀容先我到君家

洛神

鄴宮簷瓦似鴛鴦
飄蘭渚鳴鸞去國遙
謾說君王留寶枕
不聞仙子和瓊簫
驚鴻易沒青天月
沈鯉難憑碧海潮
腸斷洛川東去水
野烟汀草共蕭蕭

二喬

珊瑚交加玉樹重
鴛鴦難偶雲難容
共思漢事隨流水
各對吳儂
感遠峰洛賦未成
梁月墮
秋笳已斷塞雲濃
人間流落渾相似
猶勝淒涼泣暮蛩

寄南臺御史達兼善二首

昔年奎壁聚星圖
文彩虛稱二妙居
祇有蒹葭依玉樹
初無蕙苾似明珠
鳳凰臺上天光近
烏鵲枝邊月影孤
壯志未消知已
在敢煩音問慰窮途

白溝秋水帝城邊
曉發河南使者船
契闊山川將萬里
飄零歲月又三年
雲間快覩冥冥鳳
海上愁看跼蹐鸞
經術匡君須我輩
莫將離恨染華顛

送蘇伯修御史之南臺

天上詞臣負莫雙
乘驄此日莅南邦
梅花路近宜逢雪
桃葉波平好渡江
千里蒼生瞻繡斧
十州使者避旌幢
同袍知己如相問
已許閒身老北窗

汴梁懷古

花石岡前麋鹿過中原秋色動關河欲詢故國傷心事忍聽前
朝皓幽幽歌蔓草有風嘶石馬荆榛無月泣銅駝人間富貴皆
如夢不獨興亡感慨多

酬江夏友人見寄

四海元龍眼界空平生豪習竟誰雄早知黔首成秦贅悔學蛾
眉入漢宮曲水疎篁秋色裏小山叢桂月明中故人歲晚能招
隱便買扁舟向漢東

送趙東夔親迎江夏之官臨川

婀娜新衣錦繡重美人今夕過湖東一聲鐵笛千家月十幅蒲
帆萬里風孔雀画屏占貴客甘棠嘉樹詠先公墨池光動凌雲
筆春滿花封賦更雄

送蒙古學教授之邛州

玉貫珠聯我國音亂山深處變巴吟蒼虬挂屋寒筇瘦白鶴懸
巢古棧深座冷一瓊知宦况書來萬里見鄉心文翁課最同文
盛應譯嘉謨寄上林

二月梅

去年呵筆賦寒梅又見山家二月開不是使君留客醉肯教仙
女逐春回梨花院落為雲夢柳絮池塘作雪猜東閣如今清興
減羅浮誰與寄香來

京師上元夜

華月澄、宿霧收萬家燈火見皇州天閣虜豹依霄漢人海魚
龍混斗牛公子錦鞵鳴玉勒內家珠箔控銀鈎道傍亦有楊雄
宅寂寞芸窗冷似秋

送表果山經歷之潮陽

潮陽贊府之官去猶是薇垣白髮即天上故人縣夜榻海邊候
吏促春裝翠綃卷雨蕉花老火齊焚雲荔子香終日韓山對簾
幙只愁簡牘破詩忙

留別凱烈彥卿學士

十年帝里共鳴珂別後悲歡事幾多汗竹有編歸太史雨花無
迹染維摩湘江夜雨生青草淮海秋風起白波明日扁舟又南
去天涯相望意如何

登越王釣龍臺

自古甌閩國富雄南琛不與職方通江流禹畫縱橫外山入秦
封蒼莽中逐鹿師還神器定屠龍人去釣臺空海門望裡潮頭
急何處繁華是故宮

段段天佑

字吉甫河南人
官江浙提舉

送妓入道

歌舞當年第一流洗妝今日別青樓便從南岳夫人去肯為蘇
州刺史留琳館月明簫鳳下鎖窗花老鏡鸞收却憐愁絕海陽
婦嫁得商人已白頭

謝宗可

金陵人為詩長於
詠物其聲調效陸

藕花風

舞罷紅衣起未休水雲香裏冷颼颼三更清逼銀塘曉六月涼
生玉井秋颭浪低翻霞影亂凌波輕漾錦江浮莫教吹醒鴛鴦
夢好送真人一葉舟

曉色

遠似烟霏近又空非明非夜兩朦朧一天清露洗難盡幾樹暗
雲遮不窮斷角樓臺濃澹裏殘燈院落有無人中蒼茫半逐雞
聲散又被朝陽染作紅

睡燕

補巢銜得落花泥困倚東風倦翅低金屋晝閒隨蝶化玉堂春
靜怕鶯啼魂飛漢殿入應遠夢入烏衣路欲迷却被捲簾人喚
醒小橋流水夕陽西

筆陣

授策登壇拜墨卿霜毫不用鐵為兵戰酣已拔三都壘奏捷還
攻五字城怒捲龍蛇雲霧泣長驅風雨鬼神驚攀蟾獨掃千軍
退功奪中書第一名

走馬燈

颺輪擁轉駕炎精飛繞人間不夜城風鬣追星低弄影霜蹄逐
電去無聲秦軍夜清咸陽火吳炬宵馳赤壁兵更憶雕鞍年少
客章臺踏碎月華明

詩飄歌

兩蔓霜條老翠壺吟邊不是酒葫蘆剖開句裏玲瓏玉著盡胸
中錯落珠滿貯苦心留宇宙深藏清氣付江湖誰家半腹能千
首為問山人果在無

蓮葉舟

穩櫂紅衣泛渺茫風帆浪楫水雲鄉曉撐泰華半峰月夜載西
湖十里香藕放雪絲應作纜荷敬翠柄若為檣不須更捧金仙
足太乙真人夢正涼

無絃琴

獨繭長縲底用抽蛇紋空鎖鳳枝秋落星有色寒光斷凍瀑無
聲練影收別鶴那聞風外泣孤鸞不向月中愁多情只有柴桑
老寂、山高水自流

紙帳

清縣四壁剡溪霜高卧梅花月半牀繭甕有天春不老瑶臺無
夜雪生香覺來虛白神光發睡去清閒好夢長一枕總無塵土
氣何妨留我白雲鄉

塵

入海深藏混沌中非烟非霧遠空濛六街錦繡迷香紫九陌笙
簫踏軟紅微步緩隨羅襪起清歌飛繞画梁空南來一騎蛾眉
笑又送長安荔入宮

蟠梅

縈青絆碧裂蒼苔晚歲寒香宛轉來蛟舞凍雲冰骨瘦龍眠夜
月玉鱗開風霜氣勢從千折鐵石心腸亦九迴祇為東君甘自
屈不教虛占百花魁

紅梅

梨雲無夢倚黃昏薄倩朱鉛蝕淚痕宿酒破寒熏玉骨仙丹偷
暖返冰兔茜裊影露羅衣捲霞佩香封縞袂溫回首孤山斜照
外尋春誤入杏花村

宋元詩會卷之七十八

皖桐陳

焯默公輯選

後學程

仕松皋參較

周權

字衡之括蒼人延祐間遊京師以此山集受知於翰林袁稱桐序其詩曰意度簡遠議論雄深法蘊黃之準繩達騷選之旨趣蓋深與之

擬古二首

東溟躍羲和
西海沈望舒
迭運不遑息
汲汲司晨晡
人生百年間
有如涉長途
途長日苦短
何以寧其軀
白露沾我衣
衆芳忽萎枯
迹將躡飛霞
駐景凌方壺

山中有孤松
託根在深澗
磊々多節目
偃蹇歲云晏
豈無千雲心
亦有傲雪幹
蕭颯起清奏
可挹不可玩
大雅久寂寥
古瑟絃已斷
美哉遺音存
佇立為三歎

讀淵明傳

淵明任疎散出處皆逍遙悠然解縣組不折五斗腰晴川風日
佳歸舟喜搖、及門對妻子不覺衣囊朽居貧道則腴念澹迹
已超時復會田家興至不待邀種豆在南山種苗在東臬投閒
偶成趣心逸身匪勞孤懷託素琴萬事付濁醪樂天以乘化內
適何陶、若人渺何許世遠不可招千載東籬花寒香翳叢蒿
采、不盈掬佇立秋風高

紫鳳吟

楚客青綺裘售我紫鳳圖且言觀祥瑞與子縣座隅裴回憇客
意因以致我辭不能鳴朝陽高翔碧梧枝惜哉五章備乃向練
素施我圖已在揭顛倒隨天吳殷勤謝客去玩目非所娛

古樂府

妾有嫁時鏡皎、無纖滓照妾芳華年塗澤如花美郎行向天
涯歲月忽踰紀空閨生遠愁妾容為誰理妾容匪金石寧復昔
時比重拂故匣看炯炯光不已人情重顏色反目如覆水願郎
待妾心明與鏡相似

原上楓

青、原上楓春至暢柔葉雨餘似膏沐幽蔽澗合昨日原上
行寒林淨如削此時澗中松偃蹇睨冰雪

牧童詞

我牧不憚遠牧多良苦辛所幸牧已狎馴擾無敗羣平原溼春
煙碧草何披紛大牛隱重坡小牛飲芳津旦出露未晞及歸景
常曛時復叩角歌歌俚全吾真取樂田野間世事非所聞

桃柳詞

灼、絳桃花裊、黃柳絲風流少年場妖冶不自持春風日夜
變點拂辭故枝飄紅惹飛絮流水同天涯美人麗南國蘭蕙熏
柔姿青春如娉婷笑貯生光輝素絲感清鏡朱粉難為施奈何
桃柳質歲晏徒傷悲

懷別

青桑蔽繁陰玄鳥春將暮東風老松花長林翳黃霧俛首事鉛
簡流光暗中度淮水日夜流美人邈難晤賓鴻盡北歸誰與達
書素長歌復徘徊晴川渺烟樹

暮春

衆芳麗春輝天冶眩紅紫紛、兒女情圍香醉羅綺笙簫夜鳴
鳴、申旦歡未已鷓鴣何處鳴繁華總流水誰知搖落時可以
觀物理

遊山寺

空林淨如掃石徑穿嶺細紺廬出澗樹飛湍下雲際偶逢赤髯
侶囑我聽真諦菘肥齋鉢豐樾古佛燈翳遠檐棘籬短野枳香
入袂夕磬兩三聲半巖花雨霽

幽居

索居簡人事與世意空投柴荆已就理歲功念西疇落、雞犬
墟隱、漁樵洲嘯傲一壺綠聊復寫我憂及辰遇冲賞獨策還
經丘向夕山景霽延矚明川流白雲息空谷歸鳥鳴林幽人生
亦委化汲、將焉求

秋原

晴烟淡秋原枯梢翳殘葉蘭芷徒自妍芳馨誰採掇豈無同心
人歲月念飄忽咏思河水深迢、暮雲合

謝僧茗餅

僧達無生機寂念若冰冷汲來石根泉淪以雲腴餅舌端味枯
禪了然發溪省歸念石林空清颺下松頂

次韻張洞雲

張子湖海襟乃復喜崖壑朝餐進芝髓夜誦焚松節溪雲暗幽
洞仲夏欲飛雪下春炫餘景林水互明滅款客垂磬室頗感十
年別攜琴意已消酌茗石蘿月

楮澗月

道人澹無為懶散忘盥櫛掃石秋樹根楮澗濯殘月袖浥水光
潤屐帶山翠滑虛闌倚雲歌清猿共孤絕

湘中

天寒楚雲淨木落湘山幽空江夜來雨水滿蘆花洲西風何渺
渺滄波日悠悠有懷誰與言注目孤鴻秋

次韻幽居

晨興啟衙行門見此溪南山山光入溪淥水底明青鬢熙熙自
漁樵清歌時往還竟爾發永悟真我丹青間

相逢吟

客從郢中來抗志青雲表持螯共拍浮江遠孤舟小寒夜潮氣
白楚樹晴烏早酒闌起推蓬落月在西島

明妃曲

逝水無回波去箭無反筈十載昭陽春萬里龍荒月風沙滿宮
衣慘淡餘香歇哀絃溼絲亦絕淚痕寄語漢飛將此計城太拙蛾眉
豈長好不久為枯骨

贈雷紫崖高士曾築室於萼山

紫崖高人頭欲雪神清貌古髯過膝
虺蛟入硯生雲烟叱咤風雷鬼神泣
清宵幽夢回瑤壇鼎中龍虎催九還
飄然晞髮太華頂醉睨海浪天風寒
竭來訪我蒼溪泝白石清泉不堪煮
共譚世事兩茫然竹屋青燈夜深雨

牧羝行

朔風吹沙浩漫、冷光射目愁雲昏
茫茫大漠亘萬里何處有路通中原
羝牧老草枯死倚節自誓無生還
餐糗嚼雪氣自倍婉孌兒女懷飢寒
夜長空望漢月白幾度弔影憐羝
單已將傲兀壓憂患獨仗大義排
堅頑此至自信羝不乳豈意雁足傳
間關歸來屬國豈不厚昆、一飯皆君恩

紀信歎

沛中龍奮磁礪雲咸陽楚炬三月焚
兩雄角起鹿在野三尸有楚無強秦
貔貅百萬紛如雪戈矛盡染英雄血
旗旄曉蔽大河雲兵塵夜暗中原月
滎陽數載戰不休重圍食盡漢亦憂
將軍詐帝出降楚脫帝席口真籌良
無何諸將已平楚事定論功裂茅土
獨無旌美到將軍不得褒名紀盟府
男兒死節志已酬瞑目地下夫何求
吁嗟功怨俱悠、漢庭雍齒還封侯

子陵釣圖

東都執官手可炙吳儂面似秋江色
平生落拓一羊裘七葉貂蟬不堪易
功臣盡在雲臺中丹青化作灰塵空
先生遺貌乃在此釣竿尚裊桐江風
悠悠、世事江雲白過眼輕帆自朝夕
人間萬古仰孤風天上有星猶是客

清溪張掃雲不嗜酒肉工詩安貧所作少年行因次其韻
五陵年少風流客花間開宴春壺碧
豹胎熊掌羅玳筵犀筋送

巡萬錢值綺羅吹香圍肉屏帳、銀甲喧瑤箏高燒紅蠟作長
夜白日過眼如流星可憐氣岍如山阜雨散雲飄不能久繁華
富貴總成夢昨日朱顏今白頭首爭如芝田野老衣懸鶉飲饌
芝餐芳辛詩日富不厭貧少無佚樂老無戚尺澤自可潛幽鱗
誰知清溪有鶴不可馴白雲浩蕩青林春

焦山寺

赤霞夜出扶桑東海雲捲浪凌虛空剛風浩、吹不去崔、化
作青蓮宮萬朶月寒清梵寂四面沈、皆海色鐘聲不許到人
間自送潮音落寒碧

採蓮曲

越溪女郎十五六翠綰香雲雙鳳鬢嫣然一笑似花妍艷試新
妝照湖綠羅衣露浥紅芳秋少年陌上情綢繆蘭橈容與隔花
語鶯散鴛鴦生晚愁蓮花莫折莖有刺藕絲易斷針難度清歌
一曲入湖烟空載香風滿船去

甍社湖

碧天如幕沈雲影飛廉不怒銀濤靜驪龍正睡貝宮寒一鏡光
凝青黛冷數聲玉笛來何處白鳥雙、忽飛度夜深明月生孤
篷人在廣寒臥風露

八里莊渡淮入黃河水渾不可飲過徐入清河水方澄潔
信筆閒記

河流汨汨如涇水濁浪崩騰疾馳駛一石中膠數斗泥舟客居
民皆飲此黃河不復行故道下注清淮通海侯涖十人度索上
一洪寸寸強弓挽難起屹然跌坐如僧禪日與篙師同愠喜青
山一髮認邳州蕭條暮上魚豚市酒邊一笑我何為獨冒驚濤

行萬里爭如林下混漁樵
俛仰嘯歌行復止
回頭寄語北山雲
征塵待向風泉洗

雞鳴臺

橫空陣氣長雲黑
戈鋌照耀旌旗色
龍跳虓躍鬼神愁
漢楚存亡一絲隔
相持兩地皆雄據
楚力疑非漢能拒
瑞啟炎圖砥礪雲
悲歌霸業烏江路
空餘故壘傳遺迹
離合山河幾勦敵
戰塵吹盡水東流
落日沙場春草碧

謫遷樓

大羅僊子李太白
秋水疎蓮浮玉色
一來金馬玉堂中
詩酒猖狂天子客
飄飄豪氣秋風起
登樓曾醉東山市
放浪形骸宮錦袍
榮華富貴東流水
酒酣揮灑翻河筆
險語能令鬼神泣
至今光焰照塵寰
一字堪償雙白璧
我來懷古空悽愴
風月千年尚無恙
何時相見崑崙丘
汗漫從遊九天上

蒲萄酒

翠虬天矯飛不去
領下明珠脫寒露
累千斛晝夜春
列甕滿浸秋泉紅
數宵醞月光
轉穠腴芳髓
蒸霞暖酒成
快瀉宮壺香
春風吹東玻璃光
甘逾瑞露濃
欺乳麩生風味
難通譜縱教典都却
鷓鴣裘不將一斗博涼州

長城

長城我、起洮水盤踞
蜿蜒九千里朔雲浩、天茫、悲笳落
日腥風起猶傳鬼神風
兩夕知是當時苦苛役
征人白骨掩寒沙
化作年、春草碧
祖龍為謀真過計
自成限域非天意
力窮城杵怨聲沈
禍起蕭牆險難恃
豈知一朝貔虎來
關東咸陽宮殿三月紅

冷泉亭

昔人來自天竺國縹緲孤雲伴飛錫天風吹落凝不去化作奇
峯聳空碧至今裂峽餘雲隨桂冷松香流未已翠光圍住玉壺
秋不放晴雷度山趾道人宴坐無生滅炯炯層胸照冰雪夜深
出定汲清冷寒猿啼斷西岳月

曙巖上人

巖扉人不到竹色滿僧闌林雨添經潤窗雲入硯寒夜龕猫占
卧晨鉢鶴分餐客至無餘事敲水煮月團

野趣

地偏居自穩石路接平田雲合茅檐樹雨添花澗泉空山晴滴
翠遠水綠生烟喚酒青林渡斜陽繫客船

贈別

南雁飛應盡攜書始問程別離情易惡貧賤意難明樹色春城
暗鐘聲曉寺清孤灯山驛酒後夜共誰傾

僊遊

萬事雙蓬鬢江山賦倦遊斷猿明月曙疎雨碧梧秋道路中年
感琵琶後夜愁客懷無處寫離思滿滄洲

郭外

郭外人家少漁村颺酒旗江雲低壓樹沙竹細穿籬地暖梅花
早天寒潮信遲夕陽烟景外倚杖立移時

社日

端居忘節序物化靜中觀遠岫春雲澹溪村社雨寒溪花紅映
屋堦樹綠平闌喧醉田間叟雞豚日暮歡

客中送張歸雲

相逢俱是客對酒感流年落日沙頭雁清風樹杪蟬山鐘隔林
寺江火趁潮船何日茆檐下清燈話雪川

次韻村居秋日

瓜芋芄、綠滿疇村居容意樂溪幽白雲僧屋開孤嶂疎竹人
家帶淺流半榻清灯初耿夜一聲長笛欲橫秋何時歸把滄洲
釣已軟閒盟向白鶴

村行

風落漁歌隔浦聞前村獨樹正斜曛誰家桃李迷荒棘半隴牛
羊臥古墳橋斷春堤多積雨溪深野碓自春雲青旗搖曳疎林
處剩把閒題與客分

張氏新居

小雨東風拂袂寒神僊華屋畫圖間茶香入座午烟歇花影壓

簾春晝閒翠竹白沙泉細、朱闌綠樹鳥關、客來一笑推棋
局坐占溪南十里山

秋日

石脈泉蘸眼明竹根沙路舊經行雲歸天際山容澹日落江頭
雁影橫梧葉庭除秋漸老豆花籬落晚初晴客行迢遞歸心遠
烟火蒼茫起暮程

次韻閒居

鍾鼎山林有命存遊心物外已忘言希夷太華烟霞室處士孤
山水月村齋、可憐雞舞甕昂、未羨鶴乘軒不須對客談餘
事笑領琴歌竹下樽

秋望

暮鴉歸處斷霞明搔首風前萬里情烟抹山光翠屏冷水涵天

影玉壺清蟲鳴沙逕宵初永雁落蘆汀月未生何事數聲江上
笛吹將離恨滿孤城

訪陳子高德星堂

短策輕衫借晚涼偶來談笑德星堂竹溪深四壁生虛籟山近
半村無夕陽池折泉聲歸座爽松蒸雲氣溼衣香蕭然門外巷
無輪鞅隱几觀書味更長

次韻孟韶卿

知道龐公不出山因為訪鶴借山看海棠開盡兩方歇燕子來
遲春尚寒一塢烟霞隨步履千峯紫翠入憑欄掉頭巢父成何
事謾向珊瑚拂釣竿

送友東歸

東華感逐輒紅塵一見潘郎興味真落、孤松林壑志昂、野

鶴水雲身關山客夢三更月驛落梅花十里春誰唱渭城朝雨
曲座中愁絕未歸人

山齋

娟娟萬竹照清溪約住閒雲作伴栖隣曲樵人曾結社樽前詩
客偶分題東風一樹棠梨老落日千山謝豹啼閒向靜中叅物
化人間岐路任東西

毗陵

數家烟火自成鄰寂寞荒祠野水濱壞屋有基餘瓦礫古墳無
主自荆榛暄風綠樹鶯聲老曉雨青郊虎跡新四月三山山下
路野田猶殿菜花春

次韻令尹解官歸九江

滿眼山河落木秋遠遊時復賦登樓解官彭澤如元亮呼酒新

豐似馬周歲月駸尋人易老乾坤浩蕩水空流輸公已了公家
事卧對廬山雪滿頭

懶菴講主得九江餅茶鄧同知分餉其半汲泉試之

解組歸來萬事輕日長門巷澹無營團香小餅分僧供折足寒
鐙對客烹色捲空雲春雪湧影沉江月夜潮生一甌洗却紅塵
夢生愛風前晚笛橫

信題

已識浮雲似世情歲寒老硯是心朋平生不貸監河粟自擷香
芹煮澗水

晚渡

離離野樹綠生烟灼灼山花爛斂然沽酒人歸春渡寂柳根閒繫
夕陽舡

許有壬

字可用湯陰人幼穎悟讀書一日五行年十二暢師文荐
入翰林不報延祐二年登進士第授同知遼川事為政
有聲除暴部內肅然拜監察御史英宗崩賊臣鐵失將亂
有壬首疏其罪及鐵失伏誅泰定帝自上都至復上章言
怯木迭兒之子瑣南與聶大逆有壬為中議改中書左司
員外郎陞右司郎中曆三年擢兩淮益司至順二年召
參議中書省事元統甲戌拜治書侍御史轉奎章閣侍書
學士歷中書省參知政事會平章徹里帖木兒挾私感奏罷
科日有壬力爭之不彀遂移疾歸屢召不赴六年証白召
為翰林學士承旨御史中丞復辟歸十三年起拜河南行
省左丞遷集賢大學士中書左丞階至光祿大夫卒年七
十八所著有至
正集謚文忠

神仙避暑晚行田間用陶詩為韻 三首

田塍晚獨策及此時雨晴東畦與西疇决决流水聲豐年已足
歡清風復多情歸來藉草坐濁酒還自傾寧用澆硯磊我懷無

不平

寢迹非絕世雅志便林丘青山足一至勝處靡不遊意適輒忘返茲焉夏已秋遙遙日力窮青青盡田疇迷復幸不遠歸歟無異謀

昔人值松柏映蔚弥崇岡不為朝夕利千載當自長植槿非不榮我圃因之荒白髮走畏途途修馬非良桑榆賴非晚此樂且無央

宿臨湘贈誠之監縣

北風櫓聲乾晚泊斷磯下雲岫浮修蛾眉空入平野鳴雁無處尋落日不可画重岡護巖邑百里寄民社藉甚賢大夫居然魯恭化豐年作稷稻沃壤盈桑柘我如無心雲宦事勞候迂爛醉得詩歸江山非傳舍

題友人所藏明妃圖

臂香骨沁守宮虐金鎖重門怨銀鑰深宮有眼不識春晝長時聽雲間樂平生所見惟監宮今朝豈期見画工君王知畫不知妾薄命已分如秋蓬黃沙漫漫天無極驚飈吹老紅芙蓉穹廬明日又何處此生遂負南歸鴻和親納侮號上策建議詔謀妾敬責妾身雖苦免主憂猶勝專寵亾人國關山寂落夢亦迷嫁雞正爾隨雞飛人間生女莫望貴只可近作田家妻琵琶聲斷霜天月青塚至今青不歇後來却有蔡文姬千古邊笳動哀拍喜逢口

灤陽驛東北四十里有雙塚世傳昔有久戍不歸者其父求之適相遇此山下相抱大喜笑極而死就葬于是俗因謂之喜逢口亦猶望夫之有石也雖莫究其世代姓氏而其言有

足感人者故作是以紀之

兒寒解衣重撫摩兒饑推食孰忍訶長城與國遠負戈一去不
返當如何去時云戍東北鄙直出榆關渡遼水白頭老翁形影
俱豈憚山川千萬里天教此地適相逢父曰從天墮吾子笑疲
樂極俱殞身誰謂情鍾遽如此官家開邊方未已同生又別寧
同死山雲漠漠風颼颼山頭雙塚知幾秋當時不忍一朝喜今
日翻飛千載愁猶勝貞女化為石終古孤身隻不得清江寒影
日悠悠行人一去無消息

田家對雪

野老能留客柴門便反關落梅點衣上飛雪墜杯間地僻偏宜
竹窻幽更對山自憐真野逸瓶罄不知還
夜至魯港

桴鼓遠銅籠前驅列炬紅星芒寒拂地江影靜浮空聽語漁樵
近連航水驛通不才慚傳食鮭菜足為供

荻港早行

水國宜秋晚羈愁感歲華清霜醉楓葉淡月隱蘆花漲落高低
路川平遠近沙炊烟村不斷山掩有人家

神山雨

山中日日雨松竹早知秋清響自深夜逸人無遠愁窗虛聞葉
落林暗見螢流對景因懷杜江村事事幽

登後山觀湖漲時陰雨忽霽

去世重華遠名偕二石存溪寒清見底榕老亂垂根野色偏宜
晚民居僅似村曲江人已矣楚些擬招魂

橫浦登舟

南征殊不惡樂事總相關馬上行思句舟中卧看山盡收烟景
去滿載月明還何往不自得浩歌天地間

白菜

土羔新且嫩筐筥薦紛披可作青精飯仍携玉版師清風牙頰
響真味士夫知南俗稱秋末投箸要及時

地椒

凍雨催花紫輕風散野香刺沙尖葉細敷地亂條長楚客收成
裹奚童擲滿筐行厨供草具調鼎爾非良

尋梅

何以慰吾哀梅花秀發時晚香傳遠樹春雪避南枝林靜來差
早溪深行獨遲與君謀一醉及此未披離

九日陪闔臺諸公登石頭城

一江環抱四山圍酬節追歡剩費詩雁影不移雲盡處秋光都
在雨晴時當年玉樹人空歎明日黃花蝶豈知便駐高軒拚醉
倒絕勝無酒繞東籬

神山即事

京塵汨沒已華顛却是山居第一年松月窗照詩入聖竹風吹
榻夢遊仙隨人久作悠悠者處世方知綽綽然尚愧未能忘口
腹特勞昆季致肥鮮

和謝敬德學士見寄

平生疎懶是天姿今歲春來起亦遲好酒或如陶靖節杜門深
媿鄭當向來事業惟供笑如此韶光忍廢詩館閣真才試枚舉
鵲山陪預恐難期

登岳陽樓

東元詩會 卷之八 一
半空輪奐壯巴丘消得騷人一繫舟雲氣遠携湘而至湖光寒
入蜀江流山川信美非吾土天地無窮有此樓三十四年如夢
遇可憐華髮賦重遊

過湘潭

江邊楊柳翠縈回柳外人家卷畫開一夜東風落花盡千年華
表鶴歸來暮雲山出遠浮黛春兩水添濃潑酷莫艤扁舟訪陳
迹白頭懷抱易生哀

閒居雜詩二首

半山雲樹接修篁鎮日無塵到草堂翁慵風來書葉亂膽瓶花
落硯池香壺觴自酌教微醉松菊猶存及未荒護果灌園常不
暇誰知閒裏更多忙

鶴山東北接郊墟郭影嵐光画不如九十日春朝暮雨兩三間
屋古今書庭花紅礙經行處園樹青回剪代餘滿地蒼苔愁踏
破年來深喜故人疎

和傅汝礪寄來韻

江水舟航日夜東古人音問得常通君才能挽千鈞力我老惟
懷一畝宮自古山林容小隱只今臺省有諸公欲知別後詩成
處都在花香竹隱中

和康里子山韻

洞深春早透蘭芽窗曉雲香亂海霞萬丈紅塵飛不到紫簫吹
綻碧桃花

行縣書所見

春雨初晴漲稻畦石蕒分水灌麻池醉翁社散忘歸路行過柴
門尚不知

次黎東山鳳栖別墅韻

風漪翠舞躬耕稻雲錦紅酣手種花策杖尋君迷不得有書聲
處是君家

蘇彥良西楚堂

蒼苔滿迳樹連村中有幽人屐齒痕此去客來宜定約無詩無
酒不開門

李 洞

字概之滕州人生有異質姚遂見其少作深嘆賞之若于
朝授翰林國子院編修官及考除集賢院都事轉太常博
士監修國史長史歷秘書監着作禮儀院經史撰奎章閣學
士起遷翰林直學士洞以奏對稱旨見知文宗因著輔治
篇以進帝嘉納之朝廷大議必使與聞詔同修經世大典
書成謁告以歸遣使召之疾不能起卒年五十九有文集
卷四十

題漢陽郎官湖

山翁薄暮醉酒歸杖藜迷却高陽池清風吹花綠陰倒笑我謂
是秋雲移還乘貫月槎夜過郎官湖崢嶸星斗入江漢蕩漾槎
影如鯨魚九華之真人邀我倒玉壺麒麟脯供行厨依稀仙
樂在空際碧山四映寒蟾孤舉酒酌寒蟾明月下飲姮娥俱霓
裳拂雲錦萬荷露瀉瓊瑤枝塵幢掩靄羅烟空乃有玉皇所授
之玉童風前飄飄曳廣帶對立十二秋芙蓉清香九曲銀河通
真人綠髮披春風錦袍玉雪照天地口說姓字安南公是公多
逸氣畧與古昔賢豪同時能掃月色延我石室烟蘿中又言昔
同張謂所遊地長笑一覆丹霞鍾風吹仙樂度溪去我已醉卧
香爐峯

我本山人素志丘壑獲歸名山為願畢矣爰以四月十一日
離京師是夜拒潞陽慨然賦詩遥慰匡廬隱者併似金門

諸公為一喙云

野馬脫羈鞅倏疑天地寬臨風一長鳴風吹散入青冥間頗如
魯仲連蹈海不復還又如安期生長留一鳥令人看江南浩蕩
忽如海落日照耀浮雲關既不能低眉伏氣摧心顏詭遇特達
驚冥頑又不能抱書挾策千萬乘調笑日月相迴盤匡廬迢迢
接仙山仙翁汎若秋雲間長松之陰引孤鶴望我不見空長歎
采鉛天池津飲淥桃花灣蒼梧倒影三湘寒赤城霞氣生微瀾
鯨鮪翻空海波赤曉色欲上扶桑難人間之樂不足恃何如歸
卧樓岳巒樓壘兮卧雲穴半天風吹酒醒猶有西樓萬年月

月夜過采石呈樵隱學士兄

空江偃仰見明月月向天心散冰雪捫天恍惚與之語桂樹瓊
枝紛糾結倏疑枯槎泛河漢又似山陰理歸楫美人不來江水

深獨對風鍾正愁絕欲愁絕分索此懷征帆茫茫江上開黃蘆
風起鳥聲至千里一望銀山來銀山嵯峨隔滄海海上羣仙復
誰在巨鰲已謝三山沈扶桑蕭條失光彩丹砂不逐兒童歸曠
懷更為秦人悲英雄立國彼其志想儀金罍空歲鞋笑呼白雲
鶴我酒翠壘連山作窗牖夜風吹月落西去水氣冥冥澹星斗
夜深忽見蛾眉亭紫鱗欲去江潮生只愁詩新幻出金碧龍虎
文翩然收我日月元氣歸滄溟

寄吳源可

不謂相疎亦自猜空山舊雨入莓苔江湖機熟鷗已去吳楚年
荒雁不來豪傑何心猶用世乾坤自古少憐才向來共醉梅花
下昨夜一枝寒自開

龍從雲

字子高詩
名魚軒集

明皇秋宮夜宴圖

金莖滴露秋滿衣玉樓商葉吟參差六宮沉沉度清樂月枉華
清池上芙蓉枝虹橋錦步上龍尾十八宮娥舞相對玉環吹笛
背銀燈百歡媚得君王醉君王醉卧倚龍屏羯鼓嗷嘈光未停
祿山含笑林甫喜但願君王醉不醒

雪花曲

苦篁漠漠吹北風黃河水流凝不通天孫手執白鸞尾畫掃琪
花舞碧空崑山玉削瓊樓裂老龍起舞驚明月應是遊魂不覺
寒醉吟紫帳春雲熱東家嬌娘厭桃李學繡宮花鎖窗裏冷把
擎來欲細觀隔簾火氣吹成水

鶴骨笛

九皋聲斷楚天秋玉頂丹砂一夕休枯朽挽回生死調淒清吹
盡古今愁魂歸遠海身如寄曲破江城月滿樓惆悵主人三弄
罷杳無消息到揚州

美人紗帶

滿眼春嬌倚繡牀玉鈎新綰藕絲長鴛鴦機上舒晴雪翡翠簾
前蹴曉霜拾翠不知羅衣潤踏花猶隔繡鞋香幾回暗憶吹簫
侶背立東風咏鳳凰

仙壇

碧壇轟影蔭龍蛇騎鶴歸來棗似瓜仙語風前飄玉屑道衣天
上剪雲霞寒潭六月猶無暑老木千年尚有花采藥青童來借
問蒼烟起處是誰家

王廓

中州人字廓然官長沙不得志投劾徑歸有寥天集行世

小孤山

江上青山一劍孤氣虹夜貫斗牛墟寒藤古祠神所居謾說彭郎迎小姑俚言不經聽者愚舉居孰與明其証山下長江通蜀吳飛廉怒瑣千舳艦乾坤變色慘不舒竿催攬絕愁萬夫初疑破口遇老狐又訝伏波留賈湖陽侯負弩雄前驅馮夷鼓擊巖後車六鼉掣釣軒蓬壺八駿按轡鞭魚龍神靈怪駭千萬殊縱有健筆難窮書一官長沙賦歸歟三年卧病南陽廬故交新貴一字無扁舟夢膾松江鱸行或止之不可虞呼童取酒聊自娛短歌激烈驚樵漁掀鬚一笑誰和予隣商去住依祝平盤餐拜祠墻上烏百錢之利眾所趨浪走不待晨雞呼進銳退速中乘除未要冒險爭前途江山正是不我疎我亦樂與江山俱安得匹素百尺餘他年寫我東遊圖

黃陵曲

黃陵磯頭烟樹簇黃陵廟前煙草綠來朝時接洞庭君驚浪掀空駕銀屋雨風吹散魚龍醒天空落日波冥冥君王龍馭夜臺冷雲晚蒼梧山更青月華二十五絃秋聲斷白蘋江自流竹花遍淩野林血地老天荒城黛愁嬪虞雙筭虞已老雲鏡芙蓉怨秋稿天子巡遊后不從桓益神明楚辭好千帆萬櫓香火足古木蒼藤鴉鷺宿夜寒星斗滿晴川漁郎時唱湘靈曲

孫轍

字履常臨川人幼孤母蔡親教之即謚策自勵長而學行純篤以孝譽家居教授四方周業者戶屢恒滿監司屢辟皆不就吳澄咸稱其文

擬古次楊志行韻三首

涉江采芙蓉江水何澄鮮朱華映朝旭窈窕熏風前相望不盈
咫尺風波良獨艱攬之置懷袖撫玩空長嘆春榮眾所慕泯默無
復言

孟冬寒氣至眇彼庭中樹忽得古人書中有相思句故人隔異
縣相望良獨苦候蟲鳴廣除落葉被衢路淒其對搖落登高詎
能賦白髮生鏡中荏苒流年度故人歲寒安亦有濟勝具相其
佩飛霞共飲金莖露

青青河畔草春至不復腓延緣被坡陀飽彼牛羊饑荏苒時序
還玉絲終未歸西風一蕭瑟楚客空傷悲安知壯士心金石乃
不移陰陽無停運垂柳生金絲鳥鳴百花開迴首乃爾為丈夫
貴自勗千載以為期

宋元詩會卷之七十九

阮桐陳 焯默公選輯 後學程 任松皋參較

陳旅

字衆仲興化莆田人先世以儒學稱旅幼孤資稟穎異於
書無所不讀稍長至溫陵從學傳古直游聲名日著用荐
為閩海儒學官適御史馬祖常使泉南一見奇之勸其遊
京師既至虞集見其文慨然嘆曰此所謂我老將休付子
斯文者矣與祖常交口定譽于諸公間中書平章趙世延
又力荐之除國子助教三年考滿諸生不忍其去請于朝
再任焉出為江浙儒學副提舉擢應奉翰林文字
遷國子監丞卒年五十有六所著詩文十四卷

春山圖

春山雲木暝初日映遙岑林霏翳高閣望之勞我心幽逕綠崖
迴飛淙響啞深芳月忽已晏誰哉與登臨

秋山圖

之子託冲隱秋山樓觀深矧茲及霜晨遐矚沈氛陰翠嶽含白

雲丹楓映青林靈溪鳴石溜野屋負層岑趨喧事多違即曠恒
愜心何哉芳月晏而我阻幽尋

湖上分韻得春字

君子佩明信相期湖水濱時欣宿雨霽画舸送行人輕鷗集蘭
渚淮樹變鶯晨山遠烟容淡日出水光新美人含麗思艷曲歌
陽春暝睽携會彌歡酣適趣益真茲遊敦德誼况乃及茲辰

安福李氏臨溪亭

結屋負南廓清溪流屋前端居人事少水木自幽妍滌研弄寒
碧鳴琴寫潺湲沙鳥時近人汀雲相往還烹鮮茗溪毛留客坐
前軒逝川道體著觀物悟微言

題楊顥民來詩卷後

夢遊洞庭野斜月映疎星軒后来張藻伶倫吹鳳笙夢回憶其

音幽眇有餘清截竹學向人世不聽南州有高士洗耳卧
岩局涼風鳴松林石磴響琤琤何日即與語曠然千古情

賦雲錦溪

綠水春生渚丹花集陽林爰此雲錦好蘭舟轉溪深賀監謝軒
冕載酒過山陰遙聞櫂歌發縹緲不可尋

題米元暉漂陽溪山圖

宿雨散層嶽林麓翳烟霏遙山斷復連川上初晰微我昔困行
役漂蕩秋未歸幽子喬松流澗迨啟郊扉撫景正若此別離嗟
願違覽卷遂終日溪雲欲生衣

次韻寄太乙宮上官師二首

端居感流序階樹日撼撼涼風起高城上有南飛翮揚雄不邀
名拓落猶遠客美矣陶徵君斂裳去彭澤

我居城東南西北有殊庭病久曠冲賞懷哉松桂青曩倩諒奇
士夙受火珠經雲河澹秋夕春時明三皇

桃花瀉瀉圖

婀娜絳花明連娟碧雲靜金塘春水多文禽汎清影大隄寫遊
棕日照華服靚萬殊各有適况及芳歲永

陶淵明撫松圖

原野涼風至草樹自蕭條杖節還故丘青松在東皋孤陰近衡
宇薄日映曾標念其有貞操撫之以消搖

明妃出塞圖

昭君北嫁呼韓國巫山更有昭君村黃金鏤玉鞍驄馬分明載
得巫山雲涼風吹斷釵頭雁一曲琵琶寫幽怨沙草遙連雞塞
庭野花不種鴛鴦殿內家日日選娉婷淚痕滿袖空多情漢廷

自此恩信重美人身比鴻毛輕

蘇伯修往上京王君實以高麗笠贈之且有詩伯修屬和

往年飲馬灤河秋灤水斜抱石城流青城丈人來水上上揭謝
蘇王皆與遊頷余濫倚橋門席斜陽落翬峯石夜涼共飲明月
樽醉眠更聽高樓笛灤河九曲流濺濺自我不見今三年蘇郎
又扈屬車去佇望弗及心茫然龍門峽中雲氣濕山雨定灑高
麗笠別意遙憐柳色深歸心莫為鶻聲急不才未許收詞垣賦
成何日奏甘泉人言凡骨難變化為我致意青城仙

謝氏祖孫創灤陽橋

灤陽極目雲氣昏衝風揚波鼉窟翻湘妃抱琴望虞舜日暮江
竹多啼痕木蘭為舟不可度誰幻曾淵作平路天潢夜靜牛渚
長海市朝晴蜃樓吐祖孫移山山可移昔人不信今見之千年

宋元詩集 卷之二十九 猶有召伯埭白面聚歛嗟何為

海谷

歸虛谷在渤海東八紘之水注其中不盈不縮浩無際吞吐日月含空濛靈鼈于此出山上有縹緲金銀宮人間相去幾萬里弱水滿眼多迴風琴高來時踏赤鯉少君歸去乘白鴻秦王到老不得渡嗟我欲往將焉從子房有孫海谷子告我有路非難通只隨雲氣相上下與子共謁扶桑公

宮人倦繡圖

龍碧鮫銷剪秋輕風吹香團扇底琵琶彈歇宮晝長釵落鬢邊雙燕紫二妹誰是薛靈芸繡得金塘兩鴛似宮奴夕殿喚更衣露溼銀牀響桐子

友人寄予少作因錄之

溪村積水生寒烟匡牀睡起清明天隔溪暮哭飯鬼媵間燒錢野風起酒旗山前雨踈踈來禽花低飛鷓鴣荒墳纍出繫新草草長如人人又老東門大道青陽間可憐車馬無時間

次韻上官來復見寄

琳館薄炎熱松壇深歲年高人坐堂上踈雨落階前潘岳頭空白揚雄學未定應拂塵服從子弄雲泉

楊季子水北山房

豫章楊季子語我草堂幽野徑穿雲入山泉繞舍流竹光書帙曉溪影釣絲秋水北真佳隱誰從節度遊

方壺道士作荒山白雲圖寄豫章楊顯民

之子讀書處亂山生白雲林花晴冉冉岩瀑暝紛紛畫此何為者持之以贈君謂宜作春雨舒卷只成文

清漳黃氏北墅

聞說黃家墅開門入翠嵐細岑依舍北流水出城南雨暖蘭抽
筍霜晴樹落柑千年讀書地更莫乞羊曇

題羅稚川画卷

雨氣通林凝江光動野航道人岩下去茅屋樹邊涼斷岸入秋
水遠山留夕陽登臨休作賦遊子未歸鄉

謝徵君松巢

昔聞徵君在天目松間結巢成久留南榮北郭井里近西枝東
柯林谷幽蕙帳眠深翠露落石泉釀熟緗花浮擬借丹梯向高
處積白桐乳非吾求

送鄭希道杭州路知事

幾年讀書白鹿洞諸老遲子黃金臺豈為錢唐足清賞遂令幙

府得英才郡中日晏文牘少湖上春晴画舫開我向都門折楊
柳子亦寄我孤山梅

送張真人代祠武當龍虎山兩

桂館祠官持羽節名山兩地躡丹梯共誇謬倩來金馬大勝王
褒祀碧雞杵磔暝痕銷雨石杼岩秋影動景溪蕙肴椒醕登瑤
席定有神光起時畦

次韻本元上人相別

君向雷峯塔邊住詩成總在倚欄時蘇堤殘柳凝烟小葛塢間
雲度水遲袖子空回花遠座高人別後草生堦相知不似渾忘
卻誰問莊周與惠施

送李盤中真人代祀江南三名山

弱水回風不受帆三山只在大江南使槎卻帶秋星溼仙掌遙

分夕露甘瑄玉禮神通景氣寶香隨地結晴嵐泰壇建論昭靈
貺老我猶能效史談

題城市山林圖

城市山林路不分畫橋騎馬是徵君樹頭粉堞連青嶂陌上紅
塵亂白雲水巷柳深鶯喚友陽坡草暖鹿為群滑稽誰似東方
朔更向金門避世氛

懷慶王節婦

良人縹緲泊烟鴻窓竹寒洒雨淚紅檜楫不游淇水上柏舟仍
見衛風中龜文屈曲秋機斷鳶影低徊曉鏡空贏得公名寫桓
表千年光燄吐晴虹

送朱運峯著書得官南歸

城東有客過吾廬揮塵高談逸氣舒金馬豈無方朔伎石渠今
取夏侯書沙隄老屋秋風合海浦歸帆暮雨踈我亦草官官拓
落江南無地可耕鋤

元宵懷錢唐

武帝親祠太乙神流光洶湧動星辰行宮典禮猶存漢軹道山
河已易秦香徑至今啼木客露盤無復泣金人紅燈幾點東風
裡猶是元宵一度春

院中聞駕先還再和伯修

甘泉晏罷雁聲寒桂樹吹香出寶闌翠輦遙臨秋海白霓旌高
拂曙星殘壇城家拜銀膚賜棘院人爭繡虎看堪笑子雲能作
賦獨騎瘦馬後奚官

送王致道代祠北岳海濟瀆南鎮

皇帝齋明守鎮圭祠官奉節出金閨北尋海瀆瞻恒岳南涉江

淮上會稽山下靈風吹桂櫂雲邊仙樹拂丹梯王褒空有甘泉
頌投老還鄉祀碧雞

送毛真人南還

真人不似壺丘子老去都忘杜德機太乙象文令虎守尚方鳧
鳥背人飛岩扉暖翠侵緗帙江渚晴霞上羽衣遊子故園春似
海客窓長日聽催歸

壽虞先生道園

衡山道士駐飛車千載儒宗出相家月下華星垂五色人間珠
樹吐三花芝田養鶴春凝乳菡石聽鶯曉颺霞朝退日長賓客
醉翠房文火伏丹砂

道園生時其外祖夢衡山道士

送趙子期使交趾

曉日承恩紫殿深都門祖道馬駸駸上書不奏唐蒙策歸橐寧

將陸賈金露入珠盤鮫室白苔生銅柱象崖陰為君臨水歌黃
鵠天壯天南萬里心

天谷

東郭先生履欲穿尋幽俄得谷中天漁人誰去綠溪岼山鬼能
來送石泉池暖碧桃深映雨林春琪樹總含烟後來聞有何高
士傳得終南大洞篇

題雲林晚晴圖

故人別後江波綠神女歸來峽雨乾海上日花春冉冉天邊雲
樹繞團團滿汀芳草留孤艇度石幽泉咽下灘最愛東頭小亭
子聽鶯何日一憑闌

為董宇定賦杏林詩

侯官古縣多山水中有當年董奉家邑子每懷江上樹仙人還

種日邊花珠林夜氣凝丹露貝闕晨光散綵霞我憶舊遊成遠
別上東門外立昏鴉

福州冲虚觀

力士持兵守絳宮吹笙人去斗壇空白榆城闕秋雲上紅樹棲
臺夕照中鴻寶昔疑丹井謬龜泉今悟玉池通他年不跨芝田
鶴曾向清虚學御風

次韻陳景思見寄

用世已無伎高人方據梧詞林忝供奉客舍侯徵呼拓落需
微祿騫騰失壯圖為文下枚孺力穡後孫愉春草生湖曲晴雲
飛屋隅論交真有螳意別履非鳧擬汎鳴夷舸重遊泰太伯都山
前泉料乳雪萍淪瓊酥作鱸溪庖近聽猿野磴紆松風吹髮綠花
雨落紅旣佳什勸相贈幽愧獨踰煩君語宗長為我謝寅夫

題画蘭竹

美人隔澧浦日暮倚幽篁絲霜忽已殞為我紉秋芳

題仙水花園

莫信陳王賦洛神凌波那得更生塵水香露影空青處留得當
年解佩人

題耿氏所藏艷画

五月風生水殿涼綠楊深處奏鶯簧佳人偏愛臨池坐欲與荷
花鬪晚妝

為彭道士賦鶴峯

跨鶴臺倚翠微昔人城郭是耶非藥珠宮觀秋如水有客吹笙
月下歸

題張氏風竹圖

蘇杭詩會
卷之七十九
存素堂

湘江風卷白頭波北渚雲深帝子過欲采瓊芳渡江去翠衫輕
薄曉寒多

貢奎

字仲章寧國宣城人以文學名家延祐至治間官京師為集賢直學士卒謚文靖○焯按元史載奎於其子師泰傳中未詳履歷及別考家乘云奎幼名三郎和易端重始授池州齊山書院院長尋徵赴吏部至息六年擢太常奉禮郎遷國史院編修丁憂服除吏部儒學提舉復入翰林為待制終直學士生平著作甚多俱散佚無存所傳世者僅雲林小稿而已

秋日陪大學士趙公憇龍山玄真宮

岩岩居庸關左扶飛仙居蒼茫四山合石逕穿盤紆人家稍相
接林木何森敷觚稜生曉烟玄風凌紫虛念彼羽流集豈與世
俗居溪流轉雲碾餘潤分園蔬鏡磬答空谷齋供荐芳腴穹碑
紀宗傳道一教乃殊素餐貴崇本卒歲事耕鋤漁父在何許空

有桃林株坐慚秉文幹尸祿常曠迂日暮陟層巔丹霞成長裙
遙睇空中雲超然能卷舒

虎林玄妙觀

琳宮古崔嵬獨山勝絕天光垂常座照耀金碧色修廊接層崖
俯日視深津陰陰木葉暗石削蒼壁冽流泉出嵌空六月灑飛
雪平生功名謀洗我肝肺熱同遊得幽人再拜摩斷碣興亡見
唐漢高爽了吳越更擬窮幽探馳景忽西戒

題董簡卿所藏瀟湘圖

瀟湘在處展卷心悠然是中浮雲飛上與蒼梧連憶昔弄扁舟
載雪晴江天湘君招不來明月在我前微鐘破征夢落雁栖寒
烟回首行萬里攬衣羨孤鶩可憐楚人辭憔悴窮歲年圖畫豈
不好此意誰復傳已矣三難嗟臨風叩商絃

雪晴

今晨持我書燕坐雪照屋閉門謝塵鞅展卷自朗讀衆說初若
攻冥思意絕復旭日上團團清泉渙春綠涓涓晴欄溜洗眼濺
飛瀑豈不事遊觀驅馬泥及腹冰懷同袍士歲晚在空谷好風
忽東來起翫庭下竹

邳州

古城結危構交達哀招延朱碧遮隱見岡迴勢蜿蜒填車縱橫
遊重屋光華鮮扣門多乞食民飢遠流遷桑柘重藹綠鬱鬱浮
蒼念此萬里道我舟亦已旋雪樹列環岫晴鳧散平川烜赫驪
珠光隨風墮靈篇神清契高冥性斂涵靜淵出處古異途世故
寧紕纏簡書誠可樂軒冕非自捐推蓬晚逾迅凝霞助孤騫

秋懷

瑤漢夜澄寂烈烈群象嚴浮雲翕交互圓光尚微纖階蟲競鳴
響溼螢度飛檐持志惕自警屏營以深潛驚颺度幽幌凝香啓
方奩栩栩莊生蝶秉志能養恬雞鳴何孽孽憂心愧如惓

答陳華仲二首

海上三神山上有學仙侶泠泠紫簫聲吹作飛鳳語迴颺蕩溟
海散落成煙雨豈無知音者一振九苞羽持之獻天庭上以奉
明主

貧賤交有道富貴多異途所以古君子擇交嚴所趨霜劍閒寶
室烈士發長吁隔世或相暮同居秦越殊寥寥千載間羨彼管
鮑徒

題淵明圖

若士超世流高風凌飛仙倦懷經濟術嗜酒豈自然去之千歲

先言會
卷之十一
一
鈔本
間賢才孰相先畏途輟皇皇歸歟袖翩翩日暮孤雲飛黃花澹
秋妍坐憐王孔輩矯首南山巔

即事

藹藹群樹林孤雲暮來歸紛紛飛鳥倦斂翮相因依臨軒方獨
坐涼飈吹我衣物理固有常悠然悟其機山中何者樂躬耕自
無飢百年事未晚寧勞歌昨非歸歟友田父一樽聊可揮

送別劉道夫

春晚益可愛綠陰蔽前郊念子暫時別我心已云勞浮雲始舒
霽倏見踈雨飄暄爽驟變更豈異世俗交微飈起林杪清池樹
光瑤沈憂渺予心衰髮短漸凋悵焉立斯須幽禽語嘒嘒

雨中

聚熟變雨風氣候一日殊綠樹擁如蓋殘花落無餘閒居日偏

永毛把種藝書幽幽魚鳥適寂寂車馬踈田父二三輩濁酒時
來俱愁陰每思霽微涼意稍舒携筇獨延佇層雲起遙墟

送史高士謁吳閑閑

春水武昌船帆飛敬亭雨孤城壓喧囂聽此檣燕語揮手謝時
人開胸散煩暑煌煌闕下書曳曳雲間侶真人紫霞佩執簡授
璇宇攬衣欲從之神交諒頃許霽雨沐霄容風微鵠初舉遊心
愜高明脫屣邁行旅懷哉會何時酌彼盈樽醕

送鄧提舉之官江浙

白雲一觴酒離思滄溟間子行勿復居念我何當還杳杳飛鴻
書瑟瑟清鏡顏潛機不私貸歲月忽已闌贈之雲錦章譬彼蒼
玉環何以解塵纓幽泉弄潺湲

拜醮北觀

齊罷啟春服，跋履步修廊。籠禽動新響，雨餘竹風涼。道人房更深，爐烟引微香。于焉謝塵鞅，閒來日偏長。

登虎丘山

吉士雅巾履，具舟約芳遊。朝晴出西郭，午涼登虎丘。松逕度遙嶺，歷此層級修。當時吳王劍，斲光裂幽平。向眺萬頃閒，瞻烟樹稠頗。聞山僧賢飛錫下，林隈獨遺方丈室。於焉集清流，一簞可平生。豈惜半日留，煮茗試泉冽。焚香延宿筭，踈雨催晚歸。隨波散浮漚。

京城客館

公宇日無事，閱書稍怡情。浩漫因窮極，靜定悟始明。籠禽動幽響，庭草遂微生。俯念節物變，晏處常思盈。寧復辨勞苦，王事驅我行。雨餘夕陽照，空雷殷殘聲。暄爽倏未定，雲勢方縱橫。訪遇當獲趣，及茲煩抱嬰。何時故園友，濁酒與同傾。

寄示師文妣

川明山秀草花馥，氣連鬱儀迴地軸。晴嵐宿靄屯氤氳，石根飛泉迸寒玉。此中縹緲仙人居，樓觀金碧繞翠竹。我來曾任總七日，迴首人間白雲速。飄搖金衣鶴雙飛，白玉童吹紫鸞曲。天聲忽遠柰別何，青山送人秋思多。作詩寄汝仍自歌，梅花零落雪吹盡。願拾瑤草山之阿。

謝李息齋惠墨竹

湖州墨竹蘇州詩，李侯二美能兼之。長安塵中忽到眼，坐我六月江南時。幽人江南結林屋，紫碧森森萬竿玉。清風激激此君語，六月寒生不知暑。只今見画思故鄉，博山日永凝清香。人生萬事直適意，相對悠然希坐忘。

寒食掃松即事

東風微微吹雨晴春山草暖雉飛鳴時哉物性各有適人生悲
樂難為情客行十步九回首寒食道旁多哭聲往年携手原上
頭今年酹酒原上丘相逢須識夢中夢有聲莫愁帶中愁

送劉道夫

西崦松篁路雪沙消水清天寒行役倦酒醒別愁生落日橫車
影長雲送雁聲梅花應未發留待照春晴

秋日陪集賢學士趙敬夫憇龍山玄真宮

山轉疑無地人家近隔村野田秋穫盛岡路晚行喧川淨雲生
石溪平水到門偶尋高士隱相見遂忘言

贈孔令尹

百里光山遠三年縣令賢人皆思舊德我欲賦新田綠霧桑浮

野黃雲稻際天風流昔潘岳空作種花傳

試院次韻答吳草廬先生

暫客留應喜微官去恨遲竹高當戶直花重向簾垂對酒驚人
別看詩感歲移山中足幽事棲鶴舊曾期

陽墅道中

馬上千峯列溪行不盡源野船高似屋山縣小如村路遠田間
曲池澗雨後渾靜來應最樂綠樹擁柴門

即事

小雨春寒重吳船繫上箔遲枕敲清夢覺意掩綠陰垂喜聽林鴉
嘯閒看蟻垤移相思故人遠誰與話心期

憶昔

暗憶曾遊地遙看不盡天宿雲連野樹積雨聚溪船故友踈三

益微官負十年閒居成癖性長日枕書眠

遊大梵寺三首

遠客閒無計微官欲賦歸偶尋幽寺去頗覺俗情非
涸澤飢鷹戀高空獨雁飛西風如有意向晚鬣人衣

清溪盤百曲虹影駕橫槎春事怨行客夕陽啼亂鴉
山明分衆木天濶散悲笳卻羨僧家勝推窓瞰水涯

遨遊窮樂事模寫得新詩古寺看山後微風到竹時
地幽塵不到人語燕歸遲向晚寒猶峭惟應客袖知

居庸關早行

茅屋聞雞起羸驂並轡行澗深孤磓響山暗數燈明
細憶留題處空慚不棄名客愁偏切耳斜月候蛩鳴

濟州

舊濟知何處新城久作州危橋通去驛高堰聚行舟
市雜荆吳客河不克泗流人煙多似簇聒耳獸喧啾

郊行

雙溪溪上路重到五年遲桑柘成陰處鶯花向老時
泊舟隨所曲坐石看雲移政愛沙鷗狎驚飛底見疑

郊行

馬上看山山不盡客中行路路偏長叢祠散群鳥
啄層漢秋高數雁翔疎雨著人絺袖溼微風吹面稻禾香
迴岡偶憇幽塘上顛倒松陰百尺彊

久留翰院思歸

日日思歸未有期夢魂幾度遠園池白雲滿地山深處
紅日當簷雪霽時竹外板輿春步小花間銀燭夜筵遲
好將烏鵲頻占

喜便買歸舟泛碧漪

得家書

睡起相思勞寸心捲簾無語立簷陰故人千里碧雲合斜日半川紅樹深江雁忽傳秋後信隴梅應待雪中尋天涯奔走成何事輪與寒窗抱膝吟

試院秋日即事

薄遊時覺髮毛蒼病怯西風夜更長官冷久無金馬夢院深惟有木犀香歸舟欲解天如水故友難忘客思鄉試問宋郎愁幾許雁聲何處起滄浪

邳州

荒城十載路重經暫曩扁舟坐驛亭春到梅花何處白雪晴山色向人青驚心家遠書難寄迎面風寒酒易醒莫憶牽衣兒女

態曉猿霜鶴笑林扃

送謝明遠之官平江

碧波千頃照姑蘇日送危檣數幅蒲古寺雲遮丘卧虎荒臺葉落夜啼烏黑頭清鏡來勲業綠幕深衣入画图暇日過遊新得句秋風應寄故鄉鱸

送汪叔志之南安

繞郭清溪帶路長衝寒極目送危檣水崖梅柳傳春信雪後樓臺照夕陽杜牧吟邊山鳥去謝公行處石苔蒼碧雲暮合天無際回首相思欲斷腸

貢性之

曹邕附貢性之詩于仲章集後未嘗畧著其生平按仲章子為貢師泰至正間官湖江行省參政有姪貢友初亦用師泰偽寓錢唐師泰極愛之曾贈以詩有頌椒留子美戲蠟爰僧虔之句今考性之詩首西湖燕集當即偽錢唐之

友初也友初其字而性之其名字

西湖燕集分韻得南字

我志在丘壑野性夙所耽今晨適休暇樂此風日堪而我二三
友濟濟皆儒箬扶携眺西郊到處窮幽探湖光靜淨澄練山色
浮晴嵐林木葉已脫梅花語猶絨言瞻和靖祠芳草埋空函載
登岳王墓老樹雲相參眼明三竺國金碧眩精藍商歌起樵牧
清楚來瞿雲方將履夷曠尋復躡峽岩去去不知遠落日山脚
含美人具清讌画訪如雲龕浮游六橋間水天遙共涵

賦得蛾眉亭送胡長史粹中之楚

雙蛾橫翠黛孤亭枕江流伊人適行邁於焉拽蘭舟山空夕煙
斂月白水光浮永懷謫仙人浩歌動清秋風景詎不美公程靡
遲留明發指武昌千里路悠悠言從夏口驛遙經鸚鵡洲王國

實重鎮屹然居上游皇圖永萬古輔翊在謀猷茲行亦已壯母

使增離憂

牧牛圖

溪童飲牛渡溪水牛過水深行復止人知水深牛不行誰識回
頭顧其子桃林之野春雨晴燒痕回綠春草青太守勸農當二
月土膏肥暖牛可耕邯鄲城頭征戰息甯戚徒勞吟白石一聲
笛裡太平歌牛背溪童自朝夕

唐馬圖

開元天廐多良馬四十萬疋皆龍駒奚官牽出立仙仗箇箇五
花雲錦如許教葛粟官家給飼餵何曾敢相失花邊柳下恣長
鳴不比駕駘甘伏櫪太平天子無戰爭四海久矣風塵清青絲
絡頭玉為轡看花不出長安城世間豈無千里足往往徒遭奴

隸辱如何獨領鳳池春慎勿從人厭羈束

宮梅圖

瑤樓夜寒銀漏澀滿地霜華月光白翠禽啼斷夢中魂窈窕虛
寔碧紗隔千門深鎖含章宮未許人間識春色只愁笛裡曲聲
哀零落香鈿點妝額

林壑深秀為登宗經賦

芙蓉城郭自天成長日開輕軒看晴雨飛瀑曉翻千嶂雪驚濤
秋湧萬松聲雙雙去鳥風中度一一遊人画裡行濟世功成許
歸隱官教林壑負深盟

清燕堂

江山深處画堂深明晏曾聞屢盍簪奕世衣冠惟有望族百年
桑梓尚喬林珠簾捲雨聽春晝寶鴨含烟散夕陰我亦有懷同

笑語圖書堆裡坐鳴琴

送陸景宣靖州從軍

蠻荒溪洞極邊頭仗劍從軍憶壯遊楊柳春風千聚落酒旗曉
日萬蠻紆路經彭蠡洲前過江自巴陵城下流早報遠人歸聖
化貂蟬從古出兜鍪

送載伯貞簡校還廣西

桂江煙水接瀟湘逐客歸來道路長卷裡謬多新制作篋中猶
是舊衣裳逢人且說身如夢老我相看髮已霜此去莫教音問
隔雁飛今喜過衡陽

水竹軒

萬竹瀟瀟水遶門九街連馬自晨昏晴天波影搖窻戶靜夜秋
聲入夢魂曾為故人頻下榻每因佳客屢開樽百年清致今猶

昔春雨深深長子孫

城南耕隱

愛爾城南隱者居春田遠屋總膏腴兒孫候暖晨驅犢燈火分
涼夜校書入社有懷占樂歲趨朝無夢候公車相逢自歎飄零
久投老歸來愧不知

次萍居留別韻

且忽長亭折柳枝離筵已判酒如池因思會面難期處直使街
杯到醉時檣燕留人雙上下岼花迎客半佈低垂計程明日毗
陵道吟寄新欲倩誰

有懷夏文度文表昆仲

珍簞生涼蕨浪紋寶爐香煖散晴薰葛中白苧消三伏繭紙烏
絲寫八分文字勇追韓吏部詩才清逼鮑參軍眼中年少多如

許獨爾風流莫與群

題画水山

山水東南勝遊遨歲月遷登高頻折屐載月屢移船鏡水荷花
裡秦雲巔樹邊猿偷霜果下鹿借石牀眠野趣閒誰適詩懷靜
自便洞深通窈窕澗曲寫之玄采藥時逢虎看棋或遇仙僧留
題竹字鶴避著茶烟捷徑惟增愧移文只浪傳種桃春萬樹別
有武陵天

東坡竹

玉堂罷直獨歸遲墨瀋將秋入硯池坐到夜深清不寐鎖窗涼
影碧參差

画馬

天閑牽出許奚官飲罷春流未解鞍記得曾陪仙仗立五雲深

虞隔花看

附郭矮梅詠炭

此詩極為為貢所賞故錄之

樵青鬣面學崑崙斫月燒雲樹欲斃萬竈黑烟灰出劫
一星紅燄火還魂汚身若有僊翁幼報國今無義士吞
爭似茅齋風雪夜地爐楫柶暖温温

薩都刺

字天錫本京口朱氏子冒回回姓與黃清老同年進士

題焦山方丈壁

江風入霜林寒葉下踈雨蕭蕭復蕭蕭可聽不可數山僧亦好
竒呼童掃行路到處覺秋聲肩輿入山去

秋日起病池上

傾茲林唐幽消此間日永飄風萍萍踪落葉散魚影天池風霜

涼秋深藕花冷有懷無與言獨立心自省

早發黃河即事

晨牽大河上曙色滿船頭依依樹林出慘慘烟霧收村墟雜雞
犬門巷出羊牛炊烟動茅屋秋稻上壠丘嘗新未及試官租急
徵求兩河水平堤夜有盜賊憂長安里中兒生長不識愁朝馳
五花馬暮脫千金裘鬪鷄五坊市酣歌最高樓繡被夜中酒玉
人坐更籌豈知農家子力穡望有秋短褐長不充糲食長不周
醜婦有子女鳴機事耕疇上以祀松楸下以祀松楸去年築河
防驅夫如驅因人家廢耕織嗷嗷齊東州飢餓半欲死驅之長
河流河源天上来趨下性所由古人有善備鄙夫無良謀我歌
兩岸曲庶達公與侯凄風振枯槁短髮涼颼颼

寄朱舜洛王伯循僧即休三首

大江湧金山穩若青蓮座山下有龍宮見水不敢唾江山萬古
同日月片帆過把酒妙高狂歌醉相和

飄飄鶴林僧布襪青鞋雙長江飛鉢渡碧海魚龍幢遠來作侶
別楚雨鳴秋窓振錫獨歸去天花飛滿江

微茫揚子橋細雨溼秋色小艇載吳姬搖搖語相接風起布帆
高一往不可得夜宿廣陵城吹蕭照明月

宿烏石驛

雲起烏石峰雨酒紫溪嶺孤館如山深愁人覺宵永燈花剪復
開風竹亂不整清晨度閩關南斗落衣領好寫度閩詩點筆題
石筍

石上晚釣天章臺

高臺在層霄肩輿上絕壁露下酒樽涼月出海門白坐拂衣上

雲醉卧林下石西風吹鬢毛南斗在肘腋題詩向天閣奎光射
瑤席

宿臺下寺絕頂

江白潮已來山黑月未出樹稍一燈明雲房人獨宿近水星動
搖河漢下垂屋四日夜深寒絲露在修竹

夜興

半峯走晴雷風力吹邊雨層雲不成陰殘缺如敗堵山深日易
暝孤館孰賓主燈花翳復明落葉聲可數獨立誰與親厨人夜
深語

題茶陽驛飛亭

白雲飛出山怒鬣蒼峽裂幽谷響晴雷絕壁洒飛雪萬折入滄
海龍宮水晶闕簸揚弄人水簾挂寒月

贈白雲

白雲抑何閒竟日不下山時從修行裡相伴一僧還悠悠覆松
頂渺渺歸岫間奔走塵俗客視君多厚顏

望武夷

溪行望武夷峭壁何斬絕赤霞亂不收大化元氣泄下有萬年松
上有太古雪祇恐月明中鐵笛吹石裂

宿武夷

艤舟山水間借問武夷觀月挂水晶簾風吹紫霞幔鷄犬過雲
間笙樂度天半傳語武夷君酒熟幸相喚

宋元詩會卷之八十

皖桐陳

焯默公輯選

後學程

仕松皋叅較

薩都刺下

華清曲題楊妃病齒

沈香亭北春晝長海棠睡扶殘妝清歌妙舞一時靜燕語鶯啼
空斷腸朱唇半起榴房破脂清紅注珍珠顆一點春酸入瓠犀
雪色鮫綃溼香唾九華帳裡薰蘭烟玉肱曲枕珊瑚偏玉釵半
脫翠蛾斂龍髯天子空垂涎妾身雖侍君王側別有閒情向誰
說斷腸塞上錦裯兒萬恨千愁言不得成都遙進荔枝金盤
紫露甘如飴紅塵一騎不成笑病中風味心自知君不聞華清
宮一齒作楚箴禍癰又不聞馬嵬城坡一身濺血未足多漁陽
一日鞞鼓動始覺開元天下痛雲臺不見漢功臣三十六牙何

足用

楊花曲

燕京女兒十六七，顏如花紅眼如漆。蘭香滿路馬如飛，窄袖籠鞭嬌欲滴。春風淡蕩搖春心，銀鈿銀燭高堂深。繡裳不暖錦鴛夢，紫烟紅霧天沈沈。芳年誰惜去如水，春困著人倦梳洗。夜來小雨溼天街，滿院楊花飛不起。

芙蓉曲兼善狀元索賦

秋江渺渺芙蓉香，秋江女兒將斷腸。絳袍春殘護雲暖，翠袖日暮迎風涼。鯨魚風起江波白，霜落洞庭飛木葉。蕩舟何處採蓮花，爰惜芙蓉醉顏色。

如夢曲哀燕將軍

芙蓉花為誰好，洞房昨夜將軍老。將軍老空鐵衣漆，燈照空人

不歸

宮錦袍，檀帳高將軍夜酌涼蒲萄。蒲萄力重醉不醒，美人猶在

珊瑚枕

海子頭，誰家樓繡簾。半捲風悠悠，行人謂是將軍府。將軍不來

罷歌舞

平村曲，春水綠將軍獵回。曾此宿將軍，一去成荒丘。依舊平村

春水流

皓齒歌，細腰舞綠窻。朱戶將軍府，將軍老去無少年。為野草分

為荒田

如花人，櫻桃唇傍人。近前丞相嗔，繡華日日笙歌動。世事悠悠總如夢

鞦韆篇

寒梅零落春雪洒蕭娘腰瘦無一把淡黃楊柳未成陰何人已
繫青驄馬畫樓深處迎春歸鞦韆影裡紅杏肥濛濛花氣溼人
面東風吹冷輕羅衣衣上粉珠流不歇暗解翠裙花下摺殷勤
莫遣燕子知會向人間報風月

過嘉興

三山雲海幾千里十幅蒲帆挂秋水吳中過客莫思家江南畫
船如屋裡薑芽短短穿碧沙船頭鯉魚吹浪花吳娛蕩槳入城
去細雨小寒生綠紗我欲水調無人續江上月涼吹紫竹春風
一曲鷓鴣詞花落鶯啼滿城綠

江南樂

江南樂春水虹橋滿城郭出門不用金馬絡門前花船如畫閣
綠紗窗虛鎖春霧隔窻蛾眉秋水活翡翠冠高羅袖潤楚舞吳
歌勸郎酌紫竹瑤絲相間作船頭柳花如雪落船尾彩旗風綽
綽秉燭夜遊隨意足人生無如江南樂

江南怨

江南怨生男遠生女賤十三畫得蛾眉成十五郎新妝識郎面
識郎面一思猶淺千金買官遊不轉郎家水田跨州縣大船小
船過淮甸買官未得不肯歸不惜韶華去如箭楊花簾幕飛乳
燕踈雨梧桐閉深院人生無如江南怨

過居庸關至順癸酉歲

居庸關山蒼蒼關南暑多關北涼天門曉開虎豹卧石鼓書擊
雲雷張關門鑄鐵半空倚古來幾度壯士死草根白骨棄不收
冷雨陰風泣山鬼道傍老翁八十餘短衣白髮扶犁鋤路人立
馬問前事猶能歷歷言立墟夜來鋤豆得戈鐵雨蝕風吹失顏

色鐵腥惟帶土花青猶是將軍戰時血前年人復鐵作門貔貅
萬竈如雲屯生存有功挂玉印死者誰復招孤魂居庸關何崢
嶸上天胡不呼六丁驅之海外休甲兵男耕女織天下平千古
萬古無戰爭

七夕後一夜樂陵臺上懷李御史公藝

涼風吹動梧桐葉瀉下冷冷露華白樂陵臺上悄無人獨倚梧
桐看秋月月高當午桐影直不覺衣沾露華溼此時却憶金陵
人酒醒江樓聽吹笛

偕卞敬之遊吳山駝峰紫陽洞

天風吹我登駝峯大山小山石玲瓏赤霞日射紫瑪瑙白露夜
滴青芙蓉飄飄雲氣穿石室石上涼風吹細竹挂冠何日賦歸
來掃石篝燈洞中宿

題壽監司所藏美人織錦圖

卷中織錦秦川女大姬啞啞弄機杼小姬織倦何所思簾幙無
人燕雙語成都花發江水春門前馬嘶車鞞鞞雲雨耳看欲
墮蛾眉八字画不伸行人一去無消息冰蠶吐絲成五色柔腸
九曲細於絲萬縷春愁政如織綺窓睡起聞早鶯西樓月落金
盆傾暖霞拂地海棠曉香雪潑戶梨花晴日長春院機聲動梭
影穿花飛小鳳水心驚起鴛鴦樓花底不成蝴蝶夢纖纖玉指
柔且和香鈎小襪裁春羅滿懷心事付水流蕩目雲錦迴青波

梅仙山行

赤星落地漢祚微端門日日腥風吹咸陽秋色壓宮樹金人夜
泣銅駝悲先生袖疏探虎窟漢鼎猶堪支一足九重煙霧似海
深門外何人知慟哭賊莽白日升高臺玉璽墮地聲如雷周公

揖讓孺子戲絳袍將軍何日來塵飛滄海風擲瓦白鶴身輕快
 如馬一聲鐵笛度墮關山月溪風共瀟洒龍爭虎鬪耳不聞長
 嘯袖拂松雲夜鐺白石煮秋雨玉佩赤錦飄霞裙先生一去幾
 千載尚有當年遺跡在題詩絕壁寄先生頓使林巒顏色改藥
 爐寂寞秋草淡丹井水落莓苔侵至今火灰化為土猶有丹光
 穿樹林

過淮河

淮水清河水黃出門偶爾同異鄉排空捲雲若飛電隨風逐浪
 庸何傷東流入海殊不惡萬里同行有清濁

西樓別寄閩憲諸公

八月八日溪上別溪上彩旗紅獵獵離情已逐渡江雲邊草連
 天剪秋色玉驄金虎諸大夫欲別不別留斯須沙明淺渚白鳥

下酒盡落日青山孤丈夫有淚不須洒去客挂帆君上馬悠悠
 回首各東西惟見西溪捕魚者閩關一片月太行一片雲雁書
 遠寄隔山嶽雲飛月明多憶君

送友人之金陵

陳郎買舟上金陵寒江水落風浪小飛帆遠挂蔣山青空城画
 角秦淮曉白門酒美東冶亭吳姬喚客客不行樓中子弟盡年
 少玉奴行酒吹鸞笙陳郎不聽黃金縷朝走東吳暮走楚半生
 落魄一故袍感慨長歌弔千古六朝遺跡生暮烟故家荒塚迷
 送花鈿鳳凰臺上醉李白何人知子囊無錢

為九江方七高賦

匡廬山中有佳士讀書結屋青雲松碧窓夜影紫翠動落日照
 見香爐峯窺夜燈壁山鬼過采蘭東徑仙人逢危簷墮雪聽風

竹古寺隔嶺聞烟鐘每思幽絕動歸興歲晚落葉迷行踪扁舟
何日過湖口分我半壁青芙蓉

中秋月夜泛舟於金陵石頭城

秦淮流水西復東倒涵天影磨青銅飛廉掃空出海月明珠飛
入琉璃宮著我扁舟二三友江上雪棹泛牛斗笑語人間兩岍
燈進君江上一尊酒醉來起舞浩聽歌宛如玉樹春風和世間
樂事古來少天下明月今夕多六代江山自瀟灑潮落潮生石
城下生人得意當夜遊此月此水年年秋

雨傘

開如輪合如束剪紙調膏護秋竹日中荷葉影亭亭雨裡芭蕉
聲簌簌晴天却陰雨却晴二天之說誠分明但捺大柄常在手
覆盡東西南北行

春別

花氣壓簾不愁掃細雨粼粼長芳草玉釵燕尾剪春寒坐惜流
年鏡中老東風吹柳人不知春嬌滿眼顰雙眉吳松錦字夢中
得曉來月落聞烏啼南園日暖蝶翅醉香霧熏人海棠睡朱門
小立蹴金蓮落紅起作離人淚

春遊太真觀

東風惱人如著酒曉鶯啼斷門前柳青山忽然契我懷飛上玄
都拾星斗綠雲弄雨小立久幾片落花香春在手遼東白鶴胡
不歸松下丹鉛老霜白

過桐廬

桐廬山水天下清洪濤拍岸山圍城桐君已乘丹鳳去世間草
木誰知情落日搖紅魚尾赤江上潮回沙嘴立三三兩兩野人

家半住漁村半樵牧盡拋章甫求仙靈松間黃鶴喚不應阻風
三日看山色平生慣識柘枝藤碧桃海上開多少幾度春風長
瑤草白雲滿地不歸來石爛松枯天地老

送石民瞻吳江訪友

老友吳江去吳江水尚高一樽散鱸膾四月過櫻桃雙鑠綠玉
杖風流白紵袍西窓故人夜應是動揮毫

和學士伯生虞先生寄韻

白鬢眉山老玉堂清晝閒聲名滿天下翰墨落人間才俊賈太
傅行高元魯山獨憐江海客樽酒夜闌珊

投宿龍潭道林寺

倦遊借禪榻客意稍從容落日江船鼓孤燈野寺鐘竹雞啼雨
過山白帶雲卷半夜波濤作長潭起卧龍

送景南上人歸江西

登高傷遠別鴻雁幾行飛萬木江頭落一僧船上歸故山秋嶂
遠殘日晚鏡微亦有同袍者多應候竹扉

借趙逢吉避暑石頭城日暮余歸逢吉留宿山中却寄

竹下一僧坐城頭獨客還星河到平地風露滿空山犬吠林松
外燈明石壁間故人借禪榻心共白雲閒

夜宿昇龍觀

舊日宸遊地朱欄護輦紋龍飛九天雨鶴夢一龕雲神火丹爐
見仙音客枕聞殷勤謝道士深夜禮茅君

秋日雨中登石城訪長老珪白巖不遇

石頭城畔去紅葉雨紛紛半日不見路四山都是雲魚龍隨水
上鐘磬隔江聞遙憶南莊叟天寒補衲裙

苦雨水溢呈憲司諸公

客病如僧懶多寒擁毳裘三山一夜雨四月滿城秋海瘴連雲
起江湖入市流釣竿如在手便可上漁舟

送李恕可隨王宗師入京

借得茅山鶴乘風飛上天江聲近九里客路已三千禁闕紅雲
上家鄉碧海邊待聞金馬詔復見玉堂仙

送莫秀才歸番陽

番陽秋水落白下買船還遠夢驚新雁歸帆識舊灣打碑過存
福携酒看芝山却憶曾遊處清溪萬柳間

寄石民瞻

京口石彭澤詩懷似鶴形蒼天容老健白髮照江清夜昂薰鷄
舌秋袍織鳳翎醉扶綠玉杖應望石頭城

題紫微觀馮道士房

卜築長江上回峯晚更竒山村猿索飯竹屋鶴聽碁雲護燒丹
竈泉香洗藥池道人足高興不許俗人知

次崔鎮壁間韻

木落歲時晏黃雲欲雪天買魚河下客立馬度頭船野迥風欺
帽天寒袖裸裡鞭夜眠三鼓後曉發五更前

寄王御史

御史傳天語飛霜到海垠浙江潮似雪閩海臘如春孤客見明
月亂山愁遠空人何時動歸興家有白頭親

送管元帥南征

楚帆風一葉此去幾時還日暮漢江碧雨晴湘竹斑邊聲連草
木野色動荆蠻決策平猿後歸心壯固山

鍾山遇風雨

城市多驄馬清遊有幾人山靈飛白雨朝士說紅塵雲起鐘樓
暝桃開野老春上人歸太晚誰主復誰賓

龍潭送侍中田美中携酒十里作

公子青驄馬追隨十里遙風頭雲葉凍酒面雪花消惜別頻回
首無因見舞腰君歸金帳暖何恨可憐宵

送宣古木

鐵面小將軍旌旗照海門兵機出孫武膽氣走桓温社稷劍三
尺乾坤酒一樽茫茫霄漢內此意與誰論

山中懷友

自是麒麟種卑栖又幾年故廬南雪下短褐北風前歲暮山林
瘦天高雨露偏惟應丈夫志未受故人憐

送唐卿御史

去去紅塵外秋光滿華嵩故鄉歸衣錦行路避乘驄未覺長安
遠真成冀北空燕山一枝桂回首正西風

宿大橫驛

燈火明沙渡牛羊過水西村春千澗落野野店四山齊桂樹偏宜
月人家畫向溪秋蟾莫相惱惟聽度關鷄

遊梅仙山和唐人韻二首

城郭千峯合仙凡一水分顛崖縣鳥道亂石聚羊羣苔井分丹
水茶爐煮白雲肩輿萬松嶺有客訪梅君

絕頂尋仙跡寒泉照病容栖鸞多種竹愛鶴莫移松丹藥人來
乞山稜手自春秋深霜葉滿麋鹿日相逢

次王御史

江城連日雪騎馬欲何之老樹昏鴉集寒塘落雁遲松窓燈下
酒竹屋夜深棋寄語王公子幽棲或可期

塵鏡

古鏡色如墨千年獨此留玉臺蟲網暗珠匣土花浮莫笑塵埃
滿曾令鬼魅愁蟠龍今已化雲雨夢悠悠

廢檠

不解照珠翠早同文字盟何年中路棄無復向人明宿雨高齋
夢秋吟廢館情相看幾今夕及此慨平生

斷碑

零落秋風卧何年破廟碑圖經愁莫載舊說頻移野燒龜文
失荒臺鳥跡疑遙知千載後拂拭轉堪悲

卧鐘

龍虞久摧折深奈爾何耕民誰睥睨野衲自摩挲雅奏多年

歇銘文幾字說斜陽荆棘裡長伴舊銅駝

道中謬興

雲氣千峯暝溪流水拍橋竹溪泥滑滑榕樹雨瀟瀟曲棧鈎崖
角垂蛙挂嶺腰山家酒初熟或許借柳瓢

京口夜坐

鐵甕城頭刻漏遲涼霜如雪撲簾飛雁聲墮地夢迴枕月色滿
城人搗衣塞北將軍猶索戰江南遊子苦思歸呼鷹腰箭從圍
獵首藉秋深馬正肥

登金山雄跨亭

朱欄六曲倚高秋元氣茫茫日夜浮客去客來天地老潮生潮
落古今愁踈鐘水國前朝寺落日海門何處舟更擬黃昏書餘

興却從燈火望揚州

寄天竺長老許笑隱召住大龍翔集慶寺

東南隱者人不識一日才名動九重地溼厭看天竺雨月明來
聽景陽鐘衲衣香暖留春麝石鉢雲卧夜龍何日相從陪杖履
秋風江上採芙蓉

高郵城樓曉望

城上高樓城下湖城頭画角曉嗚嗚望中燈明火還滅天際星
河澹欲無隔水人家種楊柳帶霜鳧雁起菰蒲短衣匹馬非吾
事擬向烟波覓釣

和中丞伯庸馬先生贈別

江南驛使路遙遙赴龍門看海潮桂殿且留修月斧銀河未
許渡星輶隔花立馬聽更漏帶月鳴珂趁早朝祗恐淮南春色

動萬竿煙雨綠相招

寄京口鶴林寺長老即休

白頭不出城南市寺枯坐蒲團笑忙客過暑葛衣從破碎逢秋
竹院愈荒涼空山雲溼歸龍鉢古屋松低鶴到牀遙憶題詩舊
遊處夜深東壁月蒼蒼

次學士盧疎齋題贈句容唐別駕

疎齋落落謫仙才句曲名山數往來晚讀茶經醫酒病春從鄰
舍覓花栽昔年奏對含鷄舌今日登臨獨鳳臺賴有閒居唐別
駕相逢猿鶴莫驚猜

三衢守馬昂夫索題爛柯山石橋

洞口龍眠紫氣多登臨聊和采芝歌爛柯仙子何年去鞭石神
人此地過烏鵲橫橋秋有影銀河垂地夜無波遙知題柱凌雲

客天近應聞織女梭

宿茅山崇禧觀南塢樓

天際三峯橫紫烟山前山後盡芝田樓臺木末疑無路鷄犬雲
中半是仙白石經年皆化玉青松鎮日祇聞泉曲林三館幽棲
地一夜鐘樓聽眠雨

登鎮陽龍興寺閣觀銅鑄梵容

眼中樓觀見應稀鐵鳳棲簷欲勢飛天半寶花飄閣道月中桂
子落僧衣高擎玉露仙人掌上碍銀河織女機金趙堂堂遺物
在山川良是昔人非

送僉事王君實之淮東

使君臘月揚州去東閣梅開雪壓枝淮上有官皆避馬竹西無
處不題詩春風楊柳平山路夜月瓊花后土祠從此公餘多勝

覽好傳佳句遠人知

元統乙亥初春除閩憲知事謝叅政許可用惠茶

春到人間纔十日東風先過玉川家紫微書寄斜封印黃閣香
分上賜茶秋露有聲浮薤葉夜窓無夢到梅花清風兩腋歸何
處直上三山看海霞

阻風崔鎮有感

逆風吹河河到行阻風時節近清明南人北俱上塚桃花杏花
開滿城雖云年少慣作客但覺此日難為情河漁村酒亦足醉
賴有同船好弟兄

贈吳山紫陽庵女道士

武林吳山紫陽庵淞民有丁姓者棄俗為全真一日忽
召其妻入山書詩四句云懶散六十三妙用無人識順

逆兩俱忘虛空鎮常寂坐抱一膝而逝俗謂之騎鶴化
其妻束髮簪冠為女道士奉其夫蛻二十年不下山幾
於得道神仙渺茫姑不暇論其婦一節乃可尚也婦年
七十五其姓諱守素亦荆人云登覽之餘因為賦詩
不見遼東丁令威舊遊城郭昔人非鏡中春去青鳶老華表山
空白鶴歸石竹淚乾斑雨在玉簫聲斷絲雲飛洞門花落無人
迹獨坐蒼苔補道衣

過鵝湖寺

十里蒼松對寺門四圍翠滴露紛紛湖心水滿通銀漢山頂鵝
飛化白雲玉井芙蓉天畔出劒池雪浪月中聞石林茶竈如招
隱還許閒人一半分

臺山懷古

粵王故國四圍山雲氣猶屯虎豹閑銅獸暗隨秋露泣海鴉多
背夕陽還一時人物風塵外千古英雄草莽間日暮鷓鴣啼更
急荒苔野竹兩斑斑

層樓

廣寒世界夜迢迢醉拍闌干酒易消河漢出樓天不雨江風吹
月海初潮影搖翠幙金蓮炬夢斷涼雲碧玉簫休唱後庭舊時
曲六朝宮殿草蕭蕭

題揚州驛

銀燭高烧照不眠呼兒飲馬汲清泉寒砧萬戶月如水塞雁一
聲霜滿天金縷軟歌來枕上銀瓶索酒到亭前明朝走向燕山
道贏得紅樓說少年

次張舉韻題皖山金氏繡野亭

南冠猶有舊風流
說著舒州處處幽
最喜園林動花竹
不妨城郭帶林丘
一樽濁酒青山暮
三徑晚香黃菊秋
未識孤高金處士
杖藜應許約同遊

贈學古澹上人

瘦影相隨九節筇
同袍無處覓行蹤
遠看天目山中寺
來聽石頭城裡鐘
洗鉢泉通陳井水
開窗雲度蔣陵松
忽聞一夜猿啼月
却憶飛來最上峯

再遊崇禧寺

野人再到城南寺
臨水芙蓉次第開
新酒瓦盆青映竹
舊題石壁綠封苔
夕陽半嶺牛羊下
秋色滿天鴻雁來
獨上新亭天地濶
不須揮淚灑蓬萊

題李遵道畫竹木圖

風流未識生前面
翰墨空遺死後名
鳳尾拂雲秋有影
龍頭出水夜無聲
半生清節江南夢
萬里靈槎海上行
應逐錦袍弄明月
倒騎赤鯉聽吹笙

次韻登凌歊臺

山勢如龍去復迴
閒雲野望護崇臺
離宮夜有月高下
輦路日無人往來
春色不隨亡國盡
野花只作舊時開
斷碑衰草荒烟裡
風雨年年上綠苔

訪揭曼碩秘書

城中車馬多如雲
載酒問字無一人
碧桃花開光艷艷
硯池水暖波粼粼
先生楷書白晝靜
家人畫紙烏絲勻
落紅滿地送客去
十年不見江南春

采石懷李白

夢斷金雞萬里天
醉揮秃筆掃蠻箋
錦袍日進酒一斗
采石江空月滿船
金馬重門天似海
青山荒塚夜如年
祇應風骨蛾眉妬
不作天仙作水仙

登石頭城

登臨未惜馬蹄遙
古木秋高萬葉凋
廢館徒傳陳後主
新碑猶載晉南朝
年深堦路埋花徑
雨壞山牆出翠翹
六代興亡在何處
石頭依舊打寒潮

懷句曲外史

霞珮翩翩出洞天
當時彷彿見臞仙
幾年海上張公子
今日山中葛稚川
滄海塵飛丹已熟
玉堂人去榻空懸
林間載酒來相覓
乞寫丹經與世傳

次韻寄張伯雨茅山

句曲道人門不出
幾時芒屨接勤殷
春晴洗藥分泉去
午睡烹茶隔竹聞
山脚客行驚犬吠
樹皮苔老結龍文
三層臺上月如水
半夜吹簫入紫雲

病中夜坐

江樹花開午夜春
綠香吹散隔簾雲
吟詩思苦家大怪
搗藥聲高鄰舍聞
惟有工程餐白朮
亦無心事對紅裙
消愁且喜樓西畔
明月一池蛙亂喧

招隱首山分韻得生字

龍飛鳳隱知何處
今日空餘黃名鵠
千古江山圍故國
五更風雨入空城
猿啼洞府暮雲合
花落祠堂春草生
何日結茅向空壁
抱琴坐石聽泉聲

酌桂芳庭

桂枝秋露洗銀靴醉裡題詩記答曾接竹池通丹井水隔松人
誦藥珠經茶香石鼎燒紅葉酒渴水盃破紫萸一帶鐘山青未
了碧窻雲氣護龍亭

次韻叅政繼學王先生自海南還桂林

空山幽響落林柯蠻犬嗷嗷吠碧羅大庾嶺頭三月盡鬱孤臺
下幾人過檳榔雨過鳩鳴急薜荔雲深猿嘯多幾度裁詩寄相
憶江南如此奈愁何

九華山題石潭驛

馬上行人看九華飄飄高旆倚天涯排空峭石生玄筍落日奇
峰挂赤霞仙掌三秋擎露屑天河半夜礙星槎雲中五老應招
手喚客來遊太乙家

夢登齊山得詩二首

登高遠望四山齊何處風流杜牧之白苧曾聽松下唱紫簫還
向月中吹野雲雨後無行跡芳草春深有斷碑夢裡勝遊閒記
得翠微亭上寫烏絲
杖藜踏破碧崖兒夢裡清遊樂未回萬壑泉聲下松去數行秋
色雁邊來文章小杜人何在風雨重陽菊自開山路雲深行客
倦竹雞飛上獨春臺

答茅山道士見寄

道人自有愛山癖蠟屐平生幾兩穿七竅冷雲秋噴竹一琴明
月夜調絃山中紫府茅君宅肘後丹方許史傳短褐擬尋黃獨
出長鑿斲雪早春前

平望驛

左帶吳松右太湖人家笑語隔菰蒲風濤不動魚龍國烟雨翻

成水墨圖越客卧吹船上笛吳姬多倚水邊壚鑑湖道士如招
隱一曲他年得賜無

過紫薇庵訪馮道士

道士愛幽居年來一事無盆池新過雨石上種菖蒲
山中華蓋洞石氣冷蕭蕭不見眠雲客惟逢避雨樵

過高郵射陽湖雜詠

飄蕭樹梢風浙瀝湖上雨不見打魚人菰蒲雁相語
秋風吹白波秋雨鳴敗荷平湖三十里過客感秋多

憩奉真道院

落花風颺步虛聲翠草玄芝爛熳生過客不知春早晚午窗晴
日睡聞鶯

過揚州

買舟南浦秋聞雁呼酒西窓夜剪燈何處玉簫天似水瓊花一
夜白如水

上京即事七首

一派簫韶起半空水晶行殿玉屏風諸王舞蹈千官和賀齊捧
蒲萄壽兩宮

上苑棕毛百尺樓天風搖曳錦絨鈎內家晏罷無人到面面珠
簾夜不收

行殿參差翡翠光朱衣花帽晏親王繡簾齊卷熏風起十六天
魔舞袖長

中官作隊道官車小樣紅靴踏軟沙昨夜內家清暑晏御羅涼
帽挿珠花

大野連山沙作堆白沙平處見樓臺行人禁地避芳草盡向曲

闌斜路來

院院翻經有况僧垂簾白晝點酥燈上京六月涼如水酒渴天
厨更賜冰

牛羊散漫落日下野草生香乳酪酣卷地朔風吹似雪家家行
帳下擅簾

過贊善庵

夕陽欲下行人少落葉蕭蕭路不分修竹萬竿秋影亂山風吹
作滿窓雲

將遊茅山先寄張伯雨

借騎白鶴訪茅君琪樹秋聲隔夜聞料得山中張外史開門先
掃鶴巢雲

春日鎮陽柳溪道院

城外青溪出洞門道人歸去日長曛柳花滿地無人掃隔水遙
看是白雲

寄奎章學士濟南李漑之

山東李白似劉伶投老歸來酒未醒天下三分秋月色二分多
在水心亭

黃河舟中月夜

十丈雲帆拂斗杓星槎風急浪花飄夜深露冷銀河近卧聽天
孫織絳綃

釣臺夜興

仙茶旋煮桐江水坐客遙分石壁燈風露滿船山月上夜僧獨
對釣臺僧

早發

山頭鐘響不聞鷄重露翻鴉滿樹啼燕子釣臺東畔發月輪却在釣臺西

泊江家步無月同孟志學小酌

蘭溪春水似蒲萄越女如花壓小槽今夜共君溪上醉直須溪月照宮袍

黃亭驛曉起

積雨莓苔上薜青曉寒山館夢初醒鷓鴣聲裏流年度自是行人不願聽

閩城歲暮

嶺南春早不見雪臘月街頭聽買花海國人家除夕近滿城微雨濕山茶

彭城雜咏三首

亞父塚前春草齊楚王城上夕陽低黃鶯不解興亡事飛過海棠枝上啼

城下黃河去不回四山依舊畫屏開無人念得登臨意獨上將軍鐵馬臺

何處春風燕子樓斷碑落日古城頭画眉人遠絲華歇無數遠山生暮愁

奎章閣感興二首

奎章三月文書靜花落春深鎖閣門玉座不移天步遠石碑空有御書存

花落春深似去年無人再到閣門前當時濟濟誇多士爭進文章乞賜錢

京成立春

燕姬白馬青絲纒短衣窄袖銀鞞光御溝飲馬不回首貪看柳
花飛過牆

雪中妃子

梁王晏罷下瑤臺窄窄紅靴步雪來疑是陽和三月暮楊花飛
處牡丹開

醉起

楊柳樓心月滿牀錦屏繡褥夜生香不知門外春多少自起移
燈照海棠

宮詞

駿馬騎嘶懶著鞭晚涼騎過御樓前宮娥不識中書令借問誰
家美少年

黃河

斗杓照水半垂天水氣漲天如白煙南北櫓聲爭上下月中聞
鼓避官船

國



